

四庫全書

集部

欽定四庫全書

柳河東集卷三十五

唐 柳宗元 撰

啟八首

上趙宗儒尚書啟

舊題云上廣州趙宗儒尚書啟以新史考之宗儒元和初檢校

禮部尚書充東都留守三遷至檢校吏部尚書
荆南節度使歷山南西道河中二鎮拜御史大

夫改吏部尚書未嘗為廣州然公送趙大秀才
序亦云尚書由交廣為荊州必有所據也啟云

已逾歲月即元和
和一二年間作

某天罰深重餘息苟存沉竄俟罪朝不圖夕伏謁無路
不任荒戀之誠伏念宗元初授御史之日尚書與杜司
空先賜臨顧光耀里閭下情至今尚增惶惕頃以黨與
進退投竄零陵囚繫所迫不得歸奉松檟

古雅切

哀荒窮

毒人理所極親故遺忘

音望

況於他人朝夕之急饘粥難

繼

體諸延切

宗祀所重不敢死亡偷視累息已逾歲月伏以

尚書德量宏納義風遠揚收撫之恩始於枯朽敢以餘

喘上累深仁伏惟惻然見哀使得存濟悽悽荒懇

悽音妻

叩顙南望竊以動心於無情之地施惠於不報之人古
烈尚難況在今日而率然干冒決不自疑者蓋以聞風
之日久嚮德之誠至振高義於流俗之外合大度於古
人之中獨有望於閣下而已非敢以尋常祈向之禮當
大賢匍匐之仁匍扶蒲切夙夜忖度果於自卜方在困
辱不敢多言伏紙惶恐不勝戰越

上西川武元衡相公謝撫問啟

新史武元衡傳憲宗即位蜀新定高

崇文為節度不知吏部帝難其代詔元衡檢校吏部尚書兼門下侍郎同平章事為劍南西川

節度使八年自西川啟云伏匿
嶺下於今七年元和六年作也

某啟某愚陋狂簡不知周防失於夷途陷在大罪伏匿
嶺下於今七年追念往愆寒心飛魄幸蒙在宥得自循
省豈敢徹聞於廊廟之上見忘於罇俎之際以求心於
萬一者哉相公以含宏光大之德廣博淵泉之量不遺
垢汙先賜榮示奉讀流涕以懼以悲屏營舞蹈不敢寧
處是將收孟明於三敗秦穆公伐鄭使百里奚子孟明視將兵至滑孟明日鄭有備矣
吾其還也滅滑而還晉人與師敗孟明于殽及三年孟明帥師伐晉報殽之役戰于彭衙孟明敗績繆公猶用

孟明增修國政次年孟
明伐晉繆公遂霸西戎
責曹沫於一舉曹沫事魯莊公為將與齊戰三

敗北莊公獻遂邑之地以和猶復以為將桓公與莊公
既盟于壇上曹沫執匕首刳齊桓公遂割魯侵地曹沫

三戰所亡地盡沒與魯沫音
亡葛切左氏穀梁作曹劇 俾折脅臍脚之倫脅迄業切臍音

刑也北刑得自拂節以期効命於鞭策之下此誠大君子并

容廣覽弃瑕錄用之道也自顧孱鈍孱鈍山切無以克堪祇

受大賜豈任負戴精誠之至炯然如日炯古切拜伏無路

不勝惶惕輕冒威重戰汗交深

謝襄陽李夷簡尚書撫問啟新史夷簡傳元和初以檢校禮部尚書山

南東道節度使啟云襄州即此時也此時公在
永州前卷上門下李夷簡相公書蓋元和十三

年夷簡為相公
再謫柳時作

某啟襄州員外司馬李幼清傳示尚書委曲特賜記憶

過蒙存問捧讀喜懼浪然流涕

浪音郎

慶幸之深出自望

外伏惟尚書鶚立朝端風行天下入統邦憲出分主憂

控此上游式是南服凡海內奔走之士思欲修容於轅

門之外躡履於油幢之前

躡音聶

譬之涉蓬瀛

海中有三神山曰蓬

萊方丈

登崑閬

十洲記崑崙山有三角一角正北名閬
峯巔一角正西北名元圃臺一角正東

瀛州

名崑
齋宮

不可得而進也某負罪淪伏聲銷跡滅固世俗之

所棄親友之所遺敢希大賢曲見存念是以展轉獻

上音虛
下音希

晝詠宵興願為廝役以報恩遇瞻仰霄漢邈焉

無由網羅未解縱羽翼而何施囊檻方堅雖虎豹其焉
往不任踊躍懇戀之至謹奉啟起居輕黷威嚴倍增戰

越

賀趙江陵宗儒辟符載啟

宗儒履歷具注前啟
作之時日當先後云

某啟伏聞以武都符載為記室天下立志之士雜然相

顧繼以歎息知為善者得其歸嚮流言者有所間執直道之所行義風之所揚堂堂焉實在荆山之南矣幸甚幸甚夫以符君之藝術志氣為時聞人才位未會盤桓固久中間因緣陷在危邦與時偃仰不廢其道而為見忌嫉者橫致唇吻房給事以高節特立明之於朝王吏部以清議自任辯之於外然猶小人浮議困在交戟凡諸侯之欲得符君者城聯壤接而惑於騰沸環視相讓莫敢先舉及受署之日則皆閉口垂臂悵望悼悔譬之

求珠於海而徑寸先得則衆皆快然罷去知奇寶之有
所歸也嗚呼巧言難明下流多謗自非大君子出世之
氣則何望焉瞻望清風若在天外無任感激欣躍之至
輕黷陳賀不勝戰越

與邕州李域中丞論陸卓啟

公集中有邕州李中丞墓誌或謂即域然

墓誌參以年表則非域也乃宗室子名位已詳見誌中則此自有域者亦以中丞為邕州耳陸卓不見于傳

伏以至公之道施恩而不求報獎善而不為功所以振

宣幽光激勵顏俗誠大君子所蓄積也竊見故招討判官試右衛胄曹參軍陸卓生稟清操長于吏理累仕所隸必獲休聲再舉府曹績用茂著頃以狂賊李元慶刦取留後擅樹克徒構灾扇禍期在旦夕一夫見办莫為已用而卓以此時特立不懼終翦强暴以寧師人既而
不幸嬰疾物故不獲一日趨事以受其職有功未報有
善未錄伏承閣下言論之餘每所嗟異優給家屬恩禮
特殊行道之人皆所欽伏儻錄其事跡奏一贈官使懷

憤之魂知感恩於地下秉志之士思受命於門庭足以
勸獎三軍豈止光榮一族伏惟不棄狂瞽特賜裁量幸
甚幸甚某與卓未嘗相識敢率愚直以期至公輕黷威
嚴伏增戰悚謹啟

謝李中丞安撫崔簡戚屬啟

此非前啟李中丞乃以下湖南李中丞也

集凡有湖南李中丞啟三此卷有其二後卷有其一公在永州正隸湖南道故云凡在巡屬蓋其所部明矣集有崔簡權厝誌自連州移永州刺史未至永而連之人懇君御史按章具獄坐流驩州幼弟訟于朝天子黜連帥罷御史小吏咸死按之荒外而君不克復以此觀之連帥即

李中丞也但求之傳記俱不得其名耳誌又云夫人河東柳氏與啟所謂簡兒女十人皆柳氏之出意亦公之親屬云耳簡卒在元和七年正月書又當前云

某啟伏見四月六日勅刺史崔簡以前任職罪決一百長流驪州伏奉去月二十三日牒崔簡家口牒州安存并借官宅什器差人與驅使伏惟中丞以直清去敗政以惻隱撫窮人罪跡暴著則按之以至公家屬流離則施之以大惠各由其道咸適於中威懷並行仁義齊立繩愆糾繆列郡肅澄清之風匡困資無闔境知噢咻之

德

喚威遇切
咏吁尤切

凡在巡屬慶懼交深伏見崔簡兒女十人

皆柳氏之出簡之所犯首末知之蓋以風毒所加漸成

狂易

音亦

不知畏法坐自抵刑名為賊賄卒無儲蓄得罪

之日百口磬然叫號羸頓不知所赴儻非至仁厚德深

加憫恤則流散轉死期在須臾某幸被縲囚久沐恩造

至於骨肉又荷哀矜猶念始終感懼無地謹勒祗承人

沈澹奉啟陳謝下情輕贖

上湖南李中丞于廩食啟

即前啟李中丞也公謫
在永故以廩食告之又

在前書
之前也

某啟某嘗讀列子書有言於鄭子陽者曰列御寇蓋有道之士也居君之地而窮若不好士使之然乎子陽於是以前命輸粟於列子列子不受固嘗高其志又讀孟子書言諸侯之於士曰使之窮於吾地則賙之賙之亦可受也又怪孟子以希聖之才命代而出不卓然自異以潔白其德取食於諸侯不以為非斷而言之則列子獨任之士唯已一毛之為愛故遁以自免孟子兼愛之

士唯利萬物之為謀故當而不辭今宗元處則無列
子之道出則無孟子之謀窮則去讓而自求至則捧受
而不慙斯固為貪凌苟冒人矣董生曰明明求財利唯
恐困乏者庶人之事也是皆詬恥之大者而無所避之
何也以為士則黜辱為農則斥遠無伎不可以為工無
貲不可以為商抱大罪處窮徼音叫以當惡歲而無廩食
又不自列於閤下則非所以示君子之意也伏惟覽子
陽孟子之說以垂德惠無使惶惶然控于他邦重為董

生所笑則縲囚之幸大矣

上桂州李中丞薦盧遵啟

公盧出遵其內弟也集有序送遵游桂州在元

和四年當與此書同時遵即韓昌黎所謂自子厚之斥遵從而家逮其死不去既往葬子厚又

將經紀其家庶幾有始終者即其人也

凡士之當顯寵貴劇則其受賜於人也無德心焉何也
彼將曰吾勢能得之是其所出者大而其報也必細居
窮厄困辱則感慨捧戴萬萬有加焉是其所出者小而
其報也必巨審矣故凡明智之君子務其巨以遺其細

則功業光乎當時聲名流乎無窮其所以激之於中者
異也若宗元者可謂窮厄困辱者矣世皆背去顛顛曠
野獨賴大君子以明智垂仁問評如平生光耀因錮若
被文繡嗚呼世之知止足者鮮矣既受厚遇則又有不
已之求以瀆閭下之嚴威然而亦欲出其感慨捧戴而
效其巨者伏惟閣下留意裁擇幸甚幸甚伏以外族積
德儒厚以為家風周齊之間兄弟三人咸為帝者師孝
仁之譽高於他門伯舅叔仲咸以孝德通於鬼神為文

士所紀述相國彭城公嘗號於天下名其孝以求其類則其後咸宜碩大光寵以充神明之心今乃凋喪淪落莫有達者豈與善之道無可取耶獨內弟盧遵其行類諸父靜專溫雅好禮而信飾以文墨達於政事今所聞於閣下者無忤於心無愧於色焉以宗元弃逐枯槁故不求遠仕務顯名而又難乎其進也竊高閣下之舉賢容衆故願委心焉則施澤於遵過於厚賜小人也遠矣以今日之形勢而不廢其言使遵也有籍名於天官獲

祿食以奉養用成其志一舉而有知恩之士二焉可不
謂務其巨者乎伏惟試詳擇焉言而無實罪也其敢逃
大譴進退恐懼不知所裁謹啟

柳河東集卷三十五

欽定四庫全書

柳河東集卷三十六

唐 柳宗元 撰

啟十三首

上權德輿補闕啟

公生於大曆八年至貞元五年舉進士年十七來京師後一年

上此書於權補闕後三年即貞元九年登第故此書舊本題注云年十八不誣矣權德輿史有

傳初德宗聞其才召為太常博士改左補闕貞元中知禮部貢舉真拜侍郎凡三歲甄品詳歸

所得士相繼為公卿宰相取明經初不限員史所載如此韓昌黎有燕河南府秀才詩有云昨

聞詔書下權公作邦禎文人得其職文道當大
行以此觀之則德與之在當時誠多士之龍門

也公上書求馳聲
成名之資基宜矣

補闕執事宗元聞之重遠輕邇賤視貴聽所由古矣竊

以宗元幼不知恥少又躁進拜揖長者自於幼年是以

籛俊造之末跡廁牒計之下列邇初初救切賈藝求售聞

無善價賈音古閔苦壁切載文筆而都儒林者匪親乃舊率皆

攜撫相示談笑見昵尼質切喔咿逡巡為達者嗤喔乙角切於

祗切咄音邈七倫無乃覩其樸者鄙其成狎其幼者薄其長

耶將行不拔異操不砥礪學不該廣大不炳耀實可鄙
而薄耶今鴛鴦充朝而獨啓於執事者特以顧下念舊
收接儒素異乎他人耳敢問厥由庶幾告之俾識去就
幸甚幸甚今將慷慨激昂奮攘布衣縱談作者之筵曳
裾名卿之門抵掌裁弁厚自潤澤進越無慙汙達者之
視聽狂狷愚妄固不可為也復欲俛默惕息疊足搢翼
拜祈公侯之闔跪邀賢達之車竦魂慄股兢恪危懼榮
者倦之彌忿厥心又不可為也若慎守其常確執厥中

固其所矣則又色平氣柔言訥性魯無特達之節無推

擇之行瑣瑣碌碌一孺子耳

瑣音鎖
碌音碌

孰謂其可進孰謂

其可退抑又聞之不鼓踴無以超泥塗不曲促無以由

險艱不守常無以處明分不執中無以趨夷軌今則鼓

踴乎曲促乎守其常而執厥中乎浩不知其宜矣進退

無倚宵不遑寐乃訪於故人而咨度之其人曰補闕權

君著名踰紀行為人高言為人信力學挾文朋儕稱雄

挾音剗
儕音切

子亟拜之足以發揚對曰衷燕石而履元圃

荀卿子曰宋人得燕石於梧桐臺歸而藏之以為寶周
客聞而觀焉主人齋七日端冕玄服以發寶革匱千重

綆中十襲客見之掩口而笑曰此燕石也
與瓦甃不殊十洲記崑崙山有元圃臺帶魚目而游

漲海選盧湛贈劉琨詩序云所謂咸池酬於北里夜光
報於魚目注云夜光寶珠也言琨能酬詩是以寶

珠而報也祇取誚耳曷予補乎其人曰跡之勤者情必生

馬心之恭者禮必報焉况子之文不甚鄙薄者乎苟或

勤以奉之恭以下之則必勗勵爾行輝耀爾能言為建

瓊建紀偃切
瓊音零晨發夕被聲馳而響溢風振而草靡可使

尺澤之鮓奮鱗而縱海密網之魚舉羽而翔霄子之一

名何足就矣庶為終身之遇乎曷不舉馳聲之資挈成名之基授之權君然後退行守常執中之道斯可也愚不敏以為信然是以有前日之拜又以為色取象恭大賢所飫依據切朝造夕謁大賢所倦性頗疎野竊又不能是以有今茲之問仰惟覽其鄙心而去就之潔誠齋慮不勝至願謹再拜

上大理崔大卿應制舉啟

新史年表崔在同嘗為大理少卿崔鉞嘗為大理

卿然皆不見於傳公此書蓋未中博學宏詞時作其書謂向應此科其不知我者遂排逐而委

之時貞元十
二三年間也

古之知己者不待來求而後施德舉能而已其受德者
不待成身而後拜賜感知而已故不叩而響不介而合
則其舉必至而其感亦甚斯道適去遼濶千祀何為乎
今之世哉若宗元者智不能經大務斷大事非有恢傑
之才學不能探奧義窮章句為腐爛之儒雖或實力於
文學勤懇懇於歲時然而未能極聖人之規矩恢作
者之聞見勞費翰墨徒爾拖曳大帶游於朋黨且

有愧色豈有能乎哉閣下何見待之厚也始者自謂抱
無用之文戴不肖之容雖振身泥塵仰睇雲霄何由而
能哉遂用收視內顧頻首絕望

頻音俯

甘以沒沒也今者

果不自意他日瑣瑣之著述幸得流於衽席接在視聽
閣下乃謂可以蹈遠大之途及制作之門決然而不疑
介然而獨德是何收採之特達而顧念之勤備乎且閣
下知其為人何如哉其貌之美陋質之細大心之賢不
肖閣下固未知也而一遇文字志在濟拔斯蓋古之知

已者矣故曰古之知己者不待來求而後施德者也然則亟來而求者誠下科也宗元向以應博學宏詞之舉會閣下辱臨考第司其升降當此之時意謂遇合事并適丁厥時其私心日以自負也無何閣下以鯢鱗之勢不容尺澤悠爾而自放廓然而高邁其不我知者遂排逐而委之委之誠當也使古之知己猶在豈若是求多乎哉夫仕進之路昔者竊聞於師矣太上有專達之能乘時得君不由乎表著之列而取將相行其政焉其次

有文行之美積能累勞不由乎舉甲乙歷科第登乎表著之列顯其名焉又其次則曰吾未嘗舉甲乙也未嘗歷科第也被朝廷之位吾何以修而可以登之乎必求舉是科也然後得而登之其下不能知其利又不能務其往則曰舉天下而好之吾何為獨不然由是觀之有愛錐刀者以舉是科為悅者也有爭尋常者以登乎朝廷為悅者也有慕權貴之位者以將相為悅者也有樂行乎其政者以理天下為悅者也然則舉甲乙歷科第

固為末而已矣得之不加榮喪之不加憂苟成其名於
遠大者何補焉然而至於感知之道則細大一矣成敗
亦一矣故曰其受德者不待成身而後拜賜然則幸成
其身者固末節也蓋不知來求之下者不足以收特達
之士而不知成身之末者不足以承賢達之遇審矣伏
以閣下德足以儀世才足以輔聖文足以當宗師之位
學足以冠儒術之首誠為賢達之表也顧視下輩豈容
易而收哉而宗元樸野昧劣進不知退不可以言乎德

不能植志於義而必以文字求達不可以言乎才秉翰
執簡敗北而歸不可以言乎文登場應對刺繆經旨不
可以言乎學固非特達之器也忖省陋質豈容易而承
之哉叨冒大過穢累高鑒喜懼交爭不克寧居竊感荀

鑒如實出已之德

荀鑒之在楚也鄭賈人有將寘諸

人如晉荀鑒善視之如實出已賈人曰吾無其功敢有
其實乎吾小人不可以厚誣君子遂適齊鑒音驚晉公

族也敢希豫讓國士遇我之報

豫讓事知伯趙襄子以知
伯頭為飲器豫讓乃變名

姓為知伯報讐襄子而數豫讓曰子嘗事范中行氏乎
知伯滅范中行氏而子不為報讐反委質事知伯又何

為報譽之深也豫讓曰中行氏以衆人遇臣伏候門屏
故衆人報之知伯以國士遇臣故國士報之伏候門屏
敢俟招納謹奉啟以代投刺之禮伏惟以知己之道終
撫薦焉不宣宗元謹啟

上裴晉公獻唐雅詩啟

詳見第一卷平淮夷雅注
雅有二一曰皇武為晉公

作二曰方城為
李愬作故也

宗元啟伏以周漢二宣中興之業歌於大雅載於史官

然而申甫作輔方召專淮夷之功

申甫申伯仲山甫也
方召方叔召虎也

魏邴謀謨辛趙致罕羌之績

魏邴魏邴丙吉也辛趙趙
充國辛武賢同為破羌將

軍文武所注中外莫同伏惟相公天授皇家聖賢克合
謀協一德以致太平入有申甫魏邴之勤出兼方召辛
趙之事東取淮右北服恒陽畧不代出功無與讓故天
下文士皆願秉筆牘勤思慮以贊述洪烈闡揚大勲宗
元雖敗辱斥逐守在蠻裔猶欲振發枯槁決疏潢汙
音潢黃鰲効蚩鄙少佐毫髮謹撰平淮夷雅二篇恐懼不敢
進獻願徹聲聞於下執事庶宥罪戾以明其心出位僭
言惶戰交積無任踴躍屏營之至不宣宗元謹啟

上襄陽李愬僕射啟

見上注愬既平淮右有詔進檢校尚書左僕射山南東道

節度使封涼國公故曰襄陽李僕射唐分山南東道其鎮在襄陽西平王李晟也即愬之父云

宗元啟昔周宣中興得賢臣召虎師出江漢以平淮夷

故其詩曰江漢之潁

音虎

王命召虎其卒章曰于周受命

自召祖命以明虎者召公之孫克承其先也今天子中

興而得閣下亦出江漢以平淮夷克承於先西平王其

事正類然而未有嗣大雅之說以布天下以施後代豈

聖唐之文雅獨後於周室哉宗元身雖陷敗而其論著

往往不為世屈意者殆不可自薄自匿以墜斯時苟有
輔萬分之一雖死無憾謹撰平淮夷雅二篇齋沐上獻
誠醜言淫聲不足以當金石庶繼代洪烈稗官里人採
而歌之漢藝文志小說家者流蓋出稗官街談巷語道
聽塗說者所造也如淳曰王者欲知閭巷風俗
故立稗官使稱說之師古曰稗音梯稗之稗不勝憤踴
國語為里人所命次注里宰也稗旁卦切

之至輕黷威重戰越交深謹啟

上揚州李吉甫相公啟

新史宰相表元和二年杜
黃裳罷吉甫自中書舍人

拜中書侍郎同中書門下平章事三年九月罷
為淮南節度使六年正月復為中書侍郎同中

書門下平章事此啟云上揚州李相公即元和四年公在永州吉甫節度淮南時也據吉甫傳德宗以來姑息藩鎮有終身不易地者吉甫為相歲餘凡易三十六鎮殿最分明皆如啟所述云

宗元啟始閣下為尚書郎薦寵下輩士之顯於門閥者以十數而某尚幼不得與於廝役及閣下遭讒妬在外十餘年又不得効薄技於前以希一字褒貶公道之行也閣下乃始為贊書訓辭擅文雅於朝以宗天下而某又以此時去表著之位受放逐之罰薦仍囚錮視日請

命進退違背思欲一日伏在門下而不可得常恐抱斯志以沒卒無以知於門下冥冥常懷魂魄幽憤故敢及其能言貢書編文冒昧嚴威以畢其志伏惟觀覽焉幸甚幸甚閣下相天子致太平用之郊報則天神降地祇出用之經邦則百億殖萬物成用之文教則經術興行用之武事則暴亂剪滅依倚而冒榮者盡去幽隱而懷道者畢出然後中分主憂以臨東諸侯而天下無患盛德大業光明如此而又有周公接下之道斯宗元所以

廢錮濱死而猶欲致其志馬閣下儻以一言而揚舉之
則畢命荒裔固不恨矣謹以雜文十首上獻縲囚而干
丞相大罪也寧為有聞而死不為無聞而生去就乖野
不勝大懼謹啟

謝李吉甫相公示手札啟

以前啟推之吉甫尚在淮南未再入相之時其

曰六月二十九日衡州刺史呂溫道過永州者必五年六月也蓋呂溫自道州移衡州五年六月過永之衡至六年而溫已卒矣

宗元啟六月二十九日衡州刺史呂溫道過永州辱示

相公手札省錄狂瞽收撫羈縲沐以含宏之仁忘其進

越之罪感深益懼喜極增悲五情交戰不知所措宗元

質性庸塞行能無取著書每成於廢疾進德且乏其馨

香常願操篲醫門

莊子醫門多疾願以所聞思其則庶幾國有瘳乎又良醫之門不棄衆疾

篲音

掬溜蘭室

家語與善人居如入芝蘭之室

良辰不與夙志多違昨

者踴躍殘魂奮揚蓄念激以死灰之氣

莊子形如槁木心若死灰陳

其敝箒之詞

班叔皮王命論家有敝箒享之千金

致之煙霄分絕流盼今

則垂露在手清風入懷華袞濫褒於赭衣

賈山傳赭衣當道顏師古

白犯罪則衣赭衣

龍門俯收於埒井

莊子埒井之蛙伏於甃砌之崖埒苦感切坎同藻

鏡洞開而秋毫在照文律傍暢而寒谷生輝化幽鬱之志若覲清明換兢危之心如承撫薦非常之幸豈獨此生伏以淮海劇九天之遙瀟湘參百越之俗傾心積念長懸星漢之上流形委骨永淪魑魅之羣

魑魅抽知切音寐

何

以報恩唯當結草無任喜懼感戀之至

上江陵趙相公寄所著文啟

公與趙宗儒啟前後凡三此其一也以前

二啟之詞觀此又當在前云

宗元啟往者嘗侍坐於崔比部聞其言曰今之為文莫有居趙司勳右者自是恒欲飾其所論著薦之閣下病其未就將進且退者殆十數焉幸以廢逐伏匿獲伸其業類於嚮者若有可觀然又以罪惡顯大甘死荒野不能出其固陋以求知於閣下則固昧昧徒生於世矣謹獻雜文十首僮還以數字定其是非使得存於世則雖生與蠻夷居魂與魑魅游所不辭也輕瀆威重伏增戰惶謹啟

上嚴東川寄劍門銘啟

嚴東川，鵠也。元和元年，劉闢反，自山南西道節度使

討闢，以儲備有素，檢校尚書左僕射，節度東川公。作銘以紀其事，其詳已注。劍門銘，鵠在東川。

時元和四年也

宗元伏惟僕射以仁厚蓄生人，以勇義平國難，而劍門用兵之事，最為天下唱首，取其險固，為我要衝，王師得

以由其門而入，傍佯布獲。

佯，音羊。獲，胡故切。布，獲散也。

遂無留滯，是

閣下之勲力，宜著於萬祀而不已也。宗元負罪俟命，晷刻觀望，道里深遠，不得悉聞。當時之威聲，然而竊以累

受顧念踴躍盛德恐沒身炎瘴卒無以少報於閣下是

以晝夜怙怙不克自寧

恤許拱切

今身雖敗弃庶幾其文猶

或傳於世又焉知非因閣下之功烈所以為不朽之一

端也敢默默而已乎謹撰劍門銘一首惶恐獻上誠無

以稱宏大之畧亦足以發平生之心不勝慚懼戰越之

至

上江陵嚴司空獻所著文啟

司空嚴綬也新史有傳自刑部員外郎為

河東司馬此啟故云往歲司空由尚書郎出貳
太原明年以檢校刑部尚書使楊惠琳劉闢平

進司空拜右僕射出為荆南節度使元和七年
吳元濟叛綬尚在荆南此書當作於七八年間

公尚在

永州云

宗元啟伏念往歲司空由尚書郎出貳太原宗元獲於
天長專用候謁伏蒙敘以世舊許造門闌自後司空累
膺寵榮位極公輔宗元得罪朝列竄身湘南霄漢益高
泥塵永棄瞻仰遼絕陳露無由司空統臨舊荆控制南
服道路非遠德化所覃是敢奮起幽淪仰希光耀伏惟
憫憐孤賤將賜撫存則縲紲之辱有望蠲除鳴吠之能

猶希効用謹獻雜文七首伏惟以一字定其褒貶終身之幸無以加焉輕黷威嚴伏增戰越

上嶺南鄭相公獻所著文啟

鄭相公綱也本傳憲宗初拜平章事繼出

為嶺南節度使廣州刺史公嘗代為舉裴中丞自代表入為奏百姓產三男狀時在元和六七

年則此啟又當在前也

宗元啟伏見與當州韋使君書猥賜存問驚忤悼懼交動於中循念竟日若無容措幸甚幸甚宗元素乏智能復闕周慎一自得罪八年于今兢愧弔影追咎既往自

以終身沉廢無跡自明不意相國垂愍特記名姓守窵
與者忽仰睇於白日負泥塗者遂自濯於清源快心暢
目不知所喻伏以聖人之道與其進也不保其往故敢
藻飾文字洗滌心神致之門下祇俟嚴命伏惟收撫獎
勵以成其終謹獻雜文三十六首冒昧上黷無任踊躍
惶恐之至

上李中丞獻所著文啟

即湖南李中丞與前卷二
啟同其人也此啟云幸緣

罪辜得與編人齒於部內與前卷啟中
之意同此元和五六年間相先後作

宗元啟宗元無異能獨好為文章始用此以進終用此以退今者畏罪悔咎伏匿惴慄猶未能去之時時舉首長吟哀歌舒泄幽鬱因取筆以書紉韋而編畧成數卷伏念閣下以文章昇大僚統方隅而宗元幸緣罪辜得與編人齒於部內不以此時露其所為以希大君子顧視則為陋劣而自弃也敢飾近文及在京師官命所草者凡三卷合四十三篇不敢繁故也儻或以為有可采者當繕錄其餘以增八席之污去就鄙野伏用兢惶

上裴行立中丞撰訾家洲亭記

裴行立本傳嘗為桂管觀察使

故以桂州此記屬公作公自元和十年召至京師復謫為柳州其亭記云元和十二年御史中丞裴公來莅茲邦又云當天子平淮夷定河朔告於諸侯據史元和十二年冬蔡州平公至嶺表皆在十二年則貽書以獻記當在十三年柳州作明矣

右伏奉處分令撰訾家洲亭記

訾音戴

伏以境之殊尤者

必待才之絕妙以極其詞今是亭之勝甲於天下而猥顧鄙陋使為之記伏受嚴命不敢齒讓退自揣度惕然汗流累奉游宴竊觀物象涉旬模擬不得萬一竊復詳

忖進退若墜久稽篆刻則有違慢之辜速課空薄又見

疎蕪之累憊期廢事尤所戰慄憊與慄同謹修撰訖上獻退

自跼蹐跼音局蹐音脊不知所裁無任悞越惶恐之至

上河陽烏尚書啟尚書烏重脩也新史本傳元和初與吐突承璀縛盧從史帳下


憲宗嘉其功擢河陽節度使後徙鎮橫海帝討淮蔡詔重脩以兵壓賊境割汝州隸其軍此啟

云進臨汝上控制東方又云威稜所加狂狡已震莫大之績重復增崇蓋方以淮蔡之功期之

專當具筆札以揚大功也時元和十年間云

宗元啟伏以尚書以碩德偉才代著勲烈兩河定亂三

城建功鼎彝竹帛未足云紀進臨汝上控制東方隱然
長城朝野倚賴宗元雖屏棄遐壤而飽聞德聲所恨不
獲親執鞭弭以備戎伍夙夜踴躍不克寧居伏以威稜
所加狂狡已震莫大之績重復增崇小子久以文字進
身嘗好古人事業專當具筆札拂縑緗上音兼下音襄贊揚大
功垂之不朽瞻望霄漢慕戀交深冒黷威嚴伏增戰越



柳河東集卷三十六

欽定四庫全書

集部

柳河東集卷三十八

詳校官內閣學士臣瑞保

檢討臣何思鈞覆勘

總校官進士臣朱 鈐

校對官編修臣吳舒 惟

謄錄監生臣宋德鴻

欽定四庫全書

柳河東集卷三十七

唐柳宗元撰

表慶賀三十首

禮部為百官上尊號表

此為憲宗作也尊號上古所無有至唐高宗徇武后

之意稱天皇武后稱天至明皇開元二十二年稱應天韋庶人稱順天

遂有開元聖武之神武之號自是遂以為法肅宗即位之次年改元乾元正月遂加冊號代宗即

位之次年改元廣德七月羣臣遂上尊號德宗即位之次年改元建中正月即上尊號至憲宗

立於永貞元年八月禮部百官當復遵此議公
是時尚作禮部員外郎故預作此表其曰未逾
周月四海將致於時雍俯及元正率土更欣於
再造可見其即位方月餘已作此表也公是年
九月即以王叔文黨黜為邵州刺史繼貶永州
司馬至元和三年憲宗方上尊號之時則公已
在永無與
於禮部也

臣某言伏以聖王之纂承天位也臣子必竭懇誠獻尊
號安敢為佞禮在其中一則以告天地神祇二則以奉
宗廟社稷三則以安華夏蠻貊巍巍大稱其可廢乎臣
等誠懼誠望頓首頓首伏惟皇帝陛下叶周文之孝德

齊大禹之約身宏帝堯之法天過殷湯之解網未逾周
月四海將致於時雍俯及元正率土更欣於再造然神
人之願億兆之情有所不安率謂未盡善者以為帝德

廣運而尊號猶闕郊廟備禮而祝嘏無詞

嘏古雅切
受福曰嘏

百兢懷華夏屬望臣謹按昔臯陶之頌舜伊尹之頌湯
皆臣子至公面揚君父以敷於當代以播於無窮夫豈
飾哉率由事實帝王尊號蓋漸於此皇家光被四表祖
宗列文時當太和尊號表德耳目所接簡牘斯存稽之

於前典則如彼考之於聖朝又如此今龜筮習吉元正
成期當品物維新之時乃皇天大禮之日陛下郊天地
饗宗祧音挑遷廟也陰陽協和動植交暢不建至尊之稱恐

違列聖之心所以臣等冒死陳聞請上徽號伏惟陛下
小謙讓之節安延企之情特召名儒禮官百寮庶尹詳
明故實議崇聖德則人望允厭神心獲安山川効靈光
贊無疆之壽祝史陳言永彰不朽之功臣等蒙國寵榮
備位班列無任懇望之至

第二表

臣某等言臣等再陳丹懇請獻鴻名天意未從隕越無措臣某誠惶誠恐頓首頓首謹按堯曰咨爾舜舜曰格爾禹湯曰吾自甚武自號曰武王則堯舜禹湯皆當時王者之號也考皇帝之故實徵往聖之憲章允協禮經煥乎圖諜伏惟皇帝陛下允恭克讓約已謙尊參天兩地之功為而不有安上理人之德置而不論至哉王言非羣下所仰望也然臣等伏以為尊號者所以類上帝

饗祖宗萬人所稱百蠻所仰表聖德於率土播天聲於
無疆臣下請之之謂禮帝王承之之謂孝孝大於讓禮
先於謙百王不刊之典安可得而廢也臣等又以春秋
本於五祀元者一歲之首春者四時之首王者受命之
首正月者政教之首郊天大禮者立極之首今天地交
泰俯臨元辰正始之美正當其運陛下確違羣願固守
謙冲此臣等所以兢惕失圖惴惴無措上冒嚴憲敢逃
厚責伏乞俯垂天聽察納微誠詔禮官議臣所請揆日

推禮虔奉鴻休盡敬於此猶恐天光未照三獻無徵彷徨闕庭伏待斧鑕無任聳望之至

賀冊尊號表

古今集中皆題云禮部賀冊尊號表非也憲宗元和三年初加尊號睿聖

文武皇帝至元和十四年七月再上元和聖文神武法天應道皇帝公是時已為柳州刺史表疏贊尊號甚詳且云獲守蠻荒遠承大典可見在柳州作非禮部表也

臣某伏奉月日制陛下膺受尊號率土臣子慶抃無窮臣聞立極之大四海無以報神功配天之尊萬物不能崇聖德惟有徽號是彰中興所以上探天心下極人欲

中謝伏惟元和聖文神武法天應道皇帝陛下統承千

載光被六幽蟲蠹盡除

蟲音矛蠹音賊並食苗虫

福應皆集有首有

趾咸識太平勲臣增爵祿之榮戎士加賞延之寵片善

必錄微功盡昇獨惟聖謨事絕酬答萬國觐望

觐古穴切又窺

觐切怨望也

百工怨思是以啟元和之盛典延昊穹之景祚

理歷凝命寔曰聖文和衆定功時惟神武運行有法天

之用變化乃應道之方鬼神協謀夷夏同志大禮既建

鴻恩遂行歡呼遠匝於九圍滲漉普周於八裔

滲所禁切漉音

鹿

慶超邃古美冠將來臣獲守蠻荒遠承大典潢汚比

陋河清幸遂於千年

大選運命論黃河清而聖人生注黃河千年一清

塵壤均

微山呼籲同於萬歲

漢武帝元封元年用事華山登嵩史卒咸聞呼籲萬歲者三無任

慶賀屏營之至

為京兆府請復尊號表三首

此為德宗作也下為耆老等請復尊號表

二首皆同蓋德宗建中改元上聖神文武之號至建中四年欲改明年元議更益大號時陸贄

奏不若引咎降名以祇天戒帝從之尋改興元元年去聖神文武號大赦改元觀初表云日日

以冀遂淹星歲耆老表云尊號未復一十九年自興元元年至貞元十八年壬午恰一十九年

此前後表當是此時
作公時為藍田尉云

臣某言某月日諸縣耆老某等若干人詣臣陳狀辭意
迫切以陛下尊號未復請詣闕上表者人心已鬱安可
久違天意實勤諒難固拒撫狀感悅深契微誠臣某誠
懇誠迫頓首頓首伏惟皇帝陛下聖神之功貫於天地
文武之道超乎古今盛德愈大而謙光益深元化已成
而徽號未復遂使神祇缺望人庶恐深沐浴鴻澤者敢
懷辱刻之安捧戴皇恩者不知寢食之適負愧懷憤萬

方一心日日以冀遂掩星歲況今地不愛寶致百穀之
豐穰天惟降衷呈衆瑞而繁委污萊瘠鹵之地混成大
田草木蟲獸之微化為神貺萬靈垂鑒昭然甚明此而
不從臣所大感矧又兵戎永戢夷狄咸懷昭然長春

昭一

作

樂以終日是以耆老等深感聖育踴躍不寧上奉天

恩跼蹐知懼

跼音局
蹐音脊

頓顙闕下願復鴻名不謀而同無

期而至此皆上元幽贊以誘其衷列聖垂靈以悟其意
臣以為陛下當敬於斯旨不可忽也臣又伏以陛下賞

功與能舉賢出滯小言不廢片善是褒豈可使臣子之
効雖微而必旌君父之德盡美而無稱凡在覆載不勝
懇禱惶恐之至謹封耆老等狀奉表昧死陳請以聞謹
言

第二表

京兆府長安縣耆老臣石靈

一作憲

等言伏奉墨詔批臣

所請復尊號未蒙允許者捧對惶遽不知所裁天實命
之於臣何有臣等誠懇誠懼頓首頓首臣聞聖君以奉

天為心不以謙沖為德以順人為大不以崇讓為優今
陛下深拒天人之誠猶懷謙讓之道臣等愚惑未知所
歸且百祥薦臻特表昊穹之睠音眷五穀蕃熟用彰后土
之勤億兆嗷嗷音熬籲天請命上下交應幽明同心舉而
違之臣所未識況臣等共被仁育同臻大和陛下德達
上元以豐臣之衣食道躋壽域以延臣之歲年沐浴皇
風二十餘載兒童感化鰥寡知恩故臣等出鄉之時謹
呼遍野間里勉臣以不進不止妻子誓臣以不遂不歸

惟竭血誠退無面目便當隕首闕下終不徒還伏惟陛
下照臣懇迫之情一作誠哀臣羸老之命臣等不勝嗚咽
慚恨之至謹奉表陳請以聞

第三表

臣某言臣伏以耆老等並皆

一無皆字

發丹誠將貫白日請

復徽號以光聖謬臣以其懇款自中不可禁止遂抗表
陳請備述微誠伏奉墨詔批答未蒙允許者衆心尚阻
天意未從懇迫逾深兢惶無措臣某伏惟皇帝陛下道

大益謙化成彌損雖江海善下每應朝宗之心而日月
居高久稱照臨之位况復上承天命下覩人誠若然辭
之理有不可伏以陛下功參造化政體乾坤萬邦宅心
百靈効職此聖之至也明並兩曜信如四時先天不違
窮神知化此神之極也道德純被禮樂興行宸翰動於
三光睿藻窮於六義此文之備也五兵不試七德咸宣
殊方者知歸負固者率服此武之成也黃龍皓兔甘露
慶雲神禾嘉瓜祥蓮瑞木萬物暢遂百穀茂滋此天之

至靈也黎老班白伏守闕庭鰥嫠童幼聲力之切謠歌

道路此人之至誠也有其德而無其號拒乎天而違乎

人雖陛下一有謙字讓之至美抑非臣心之所安也伏以賤

志難明微誠莫達對天彌懼履地益慚不任懇迫屏營
之至伏願早建大號以稱天人之心謹再奉表昧死陳

請以聞

為耆老等請復尊號表

並見上京兆府賀表注

京兆府長安縣耆老臣石靈一作憲等言臣伏以陛下尊

號未復一十九年盛德光大元化益被

一作盛德彌加
光大化益被

以休徵咸集福應具臻至於今歲紛綸尤盛風雨必順
生長以時五穀盡登萬方皆稔神意人事正在於斯天
不可違時不可棄臣等誠懇誠迫頓首頓首臣聞恩深
必報德盛必崇以陛下九重之尊推崇無上以陛下四
海之大報効何施唯有尊名用光聖理闕然未復誰所
敢安臣心則微天意甚重伏惟皇帝陛下體昊穹以施
化虔上帝以至誠今即萬祥應期百神奉職飛走之物

皆已効靈草木之類咸能應聖天命降於上人誠發於中此而可辭孰云有奉况復野多滯穗畝有餘糧足食

之慶充溢於京坻

直饑切水中可居曰坻方言云坻場也梁宋間蚘蜉犂鼠之場謂坻俗作

坻

阜財之謠歡呼於道路盡非人力皆是天成神祇之

望既勤遐邇之心又迫况臣等得生邦甸幸遇盛明身體髮膚盡歸於聖育衣服飲食悉自於皇恩被元化而益深望鴻名而未覩懇倒之至夙夜不寧謹請光順門昧死請復聖神文武之號以副天地宗社之心使海內

赤子得安其所臣等不勝懇倒迫切之至謹奉表以聞

禮部為文武百寮請聽政表

此為順宗作也順宗實錄貞元二十一年

正月癸巳德宗崩庚子百寮請聽政公是時為禮部郎官當順宗未免喪作也

臣某等言臣聞大道必體於至公大孝莫高於善繼上
觀列聖旁考前王罔不俯就禮文仰承大事嚴奉宗廟
慰安元元然後德教惟新邦家永固伏惟皇帝陛下寢
苫泣血苫失庶切草也居喪以為覆席號慕無時貫於神明動於天地
未臨庶政猶徇至誠凡在人臣孰不哀懼伏惟先聖遺

旨俾陛下抑哀而聽政本朝乏人使臣等竭忠以奉上
非敢懼死輒布懇辭期於必從以慰寰宇且王業至重
軍國方殷一日萬幾不可暫闕伏願追遵顧命蹈履成
規恢王者華夏之望順上帝乃眷之懷臣等不勝哀迫
誠懇之至

第二表

晏元獻本據文苑英華此表乃是林逋請
聽政第三表別有子厚第二表今載於後

伏惟大行皇帝知陛下至性自天恐陛下執哀過毀上
惟九廟之重下念萬務之殷故遺詔丁寧俾遵舊典今

百辟卿士顯然在庭瞻望清光已七日矣固陳誠請猶未允從內外憂惶莫知所出臣聞大孝之本繼志為難酌禮之情得中為貴是以哀迷期數哭泣有常俯而就之聖人所重知難繼也君子不為伏願少抑哀懷仰遵理命以副神祇之望以安億兆之心先祖業於無窮流德化於天下凡在臣子孰不悲戴

又

此文苑英華所載子厚表也

臣某等言臣聞聖凡殊途邦家異禮故王者舍已從物

用身許天雖居達喪猶以事奪伏以大行皇帝道成鑄
鼎仙等御龍萬姓長號九有顯望陛下以聰明睿聖嗣
守寶圖爰及宅憂迨茲累日而孝思罔極尚輟乃雍之
言庶政未釐頗闕如絲之命臣等嘗覽載籍粗知喪紀
若成周顧命歷代猶遵成王將崩命召公畢公率諸侯相康王作顧命西漢詔
音前王所奉文帝將崩有遺詔以令天下我國家以孝理天下文明
應期上用此法胥以傳授蓋事歸至當則不可不遵禮
貴從宜則不得不守理固然也臣等是以上陳愚懇輕

黷宸嚴冀遂血誠俯親國政而陛下執喪逾切聽理未聞億兆嗷嗷不知所訴臣以為天子之孝在於保安社稷司牧蒸黎功超百王慶流萬代亦何必守臣下之小節蔑皇王之大猷固阻羣情務成謙德伏願以遺詔為念奪在疚之懷就臨軒之制天下幸甚

第三表

伏以萬機至重遺旨難違再獻表章上塵旒扆精神徒竭天意未迴內外遑遑人神企望臣聞王者之孝異於

匹夫禮不相沿道資適變當承平之代故殷帝宅憂而
不言遇有事之時則周王未葬而誓衆况今戎車猶駕
邊候多虞兩河之寇盜難除百姓之瘡痍未合亂者思
理危者求安天下嗷嗷正在今日誠宜抑其至性以副
羣心成先帝之大功繼中興之盛業豈可寢苦啜泣庶
政闕然九廟之靈何報萬方之望何塞臣等職參樞近
誠切邦家若陛下未忍臨軒尚持前志臣等有死而已
不敢奉詔不勝哀迫懇切之至

賀踐阼表

此順宗即位之日公代一節鎮作也表云臣謬膺藩守累受國恩即非公自作

人公自永貞元年憲宗即位即出為邵州繼為永州司馬再復召貶柳州盡元和十四年而卒即無踐阼之事又憲宗本受內禪而表云欽承遺訓永保洪業不相關應用知其順宗踐阼之時代藩臣作也

臣某言太子中舍嚴公弼至奉某月日勅書慰諭伏承
陛下以某月日虔奉典冊允昇寶位凡在羣生孰不慶
幸臣某誠懼誠忤頓首頓首臣聞天地泰而聖人出雷
雨解而品物榮

解下

是以

是以五行迭用木火更其位十葉

重光宗廟輔其德殷宗龔默再開成湯之業漢大聰明
克承高祖之緒陛下重離出曜體乾繼統主鬯彰孝恭
之美撫軍著神武之功欽奉遺訓奉一作承永保鴻業遏密

之中施雨露以被物遐邇之地覩日月之繼明則四維

之外八極之表人神胥悅草木皆春煦嫗生成煦呼句切嫗於

武切以氣曰煦以體曰嫗不失覆載况臣謬膺藩守累受國恩爰自

出身洎乎領鎮沐浴聖澤優游昌時不獲覩闕庭之禮
展臣庶之分戴天賀聖倍萬恒情

禮部賀改永貞元年表

此憲宗即位改元表也正元二十一年正月順宗即

位八月立皇太子為皇帝是為憲宗
改元永貞公是時為禮部郎官作

臣某等言伏奉今日誥今月九日冊皇帝改貞元二十一年為永貞元年自貞元二十一年八月五日昧爽以前應犯死罪特降從流流已下遞降一等者寶命方始聖厯用彰載宣臨照之明遂施渙汗之澤臣某等誠慶誠賀頓首頓首伏以重光下濟積慶旁行漢祖推奉教之尊文王遂無憂之志正名紀厯名一作明表運行於萬方

宥過輕刑流汪濊於四海

穢音

歡呼抃蹈遐邇攸同臣

某等親奉聖謩仰承大化踊躍之至倍萬恒情無任蹈舞欣慶之至

禮部太上皇誥宜令皇帝即位賀表

太上皇順宗也本紀永貞

元年八月庚子立皇太子為皇帝自稱曰太上皇皇帝即憲宗也公在禮部作

臣某等言伏奉今日太上皇制命陛下即皇帝位光奉寶圖丕承鴻業溥天率土慶躍難勝臣某等誠喜誠抃頓首頓首臣聞皇建其極存諸大訓帝出於震著在易

經繼明以照於四方重熙以臨於萬國動植品彙

音永

賴昭蘇山川鬼神咸用欣戴臣某等獲備班列親仰聖明踴躍之誠倍萬恒品無任抃躍喜慶之至

禮部賀立皇太子表

順宗紀貞元二十一年三月立廣陵郡王純為皇太子即

憲宗也初名淳改名純故表言改名某又云再錫嘉名也公在禮部作

臣某等言伏奉今月二十四日制廣陵郡王宜冊為皇太子改名某仍令所司擇日備禮冊命者天序有奉皇圖載寧臣某等誠慶誠賀頓首頓首臣聞商書載以貞

之文漢史傳早建之義不唯立愛期在繼明陛下奉率
前規敷揚盛典顧茲守器之重爰正承華之位尊義方
之教載錫嘉名崇建樹之禮式光典命一作令典以長而立
自符於慎擇必子之選遂合於至公邦本不搖王業彌
固此皆宗社垂祉啟佑皇心乾坤合謀保安聖運足以
播休氣於四海洽太和於萬靈食毛含齒所同歡慶臣
等奉承制命蹈舞周行踊躍之誠倍百恒品無任慶抃
感悅之至謹奉表陳賀以聞

禮部賀皇太子冊禮畢德音表

見上注

臣某等言伏奉今日制皇太子冊禮云畢思與萬方同其惠澤者盛典斯舉鴻恩遂行凡在率土不勝抃躍臣某等誠喜誠賀頓首頓首伏惟皇帝陛下克奉神休以正邦統建天下之本宗廟以安致萬國之貞兆人攸賴典冊既備慶澤載流既廣愛而推恩亦好生而布德緩刑而囹圄知感進勲而嗣續增榮崇教諭之方忠良是舉嚴贊襄一作相之禮賜與有加旌孝悌以厚於人倫敬

鬼神而修其祀事况行禮之日則屏翳收蹟太陽宣精
用彰出震之休更表重離之曜神化旁暢皇風遠揚自
華及夷異俗同慶臣等謬參著定倍百恒情無任歡慶
踊躍之至

為王京兆皇帝即位禮畢賀表

王京兆權也新史
順宗紀永貞元年

二月以鴻臚卿王權為京兆尹至十一月貶為
雅王傳此表是八月憲宗即位公為代作賀表

下有代王京兆賀表
凡五皆為王權作也

臣某等言臣聞大人繼明百神所以受職天子有道萬

國由是承風伏以皇帝陛下纘聖垂休順時御極負宸

而會朝夷夏

辰隱宜切
戶牖間

踐阼而統和天人幽明感通遐

邇昭泰遂使祥光下燭喜氣旁通周王謝流火之符

周王

武王也師渡孟津有火自上
復於下至於王屋流為烏

魯史愧書雲之典

左傳僖
公五年

凡分至啟閉必書
雲物為備故也

食毛含齒懼抃無窮臣某等幸覩昌

時獲奉大慶踴躍之至倍萬恒情無任蹈舞

代韋中丞賀元和大赦表

據集題注云永州蓋即
憲宗即位之明年改元

大赦公到永之初與刺史韋君作也公在永州
凡十年凡歷刺史六人韋其姓者二焉而其名

不可考

臣某言伏奉正月二日制大赦天下永貞二年宜改元和元年太陽既昇煦育資始霈澤斯降膏潤無遺

霈普蓋切

臣某誠慶誠賀頓首頓首伏惟皇帝陛下仁化旁流孝理宏闡紀元示布和之令肆眚見恤人之心曠然滌瑕得以遷善渙發大號申明舊章農有薄征市無彊價勲勤是錄爵秩以班寵寧間於幽明澤必周於夷夏近甸輕推酤之入遠人忘水旱之災既行慶於官寮亦推恩

於天屬諸生喜鬻塾之廣庶老加絮帛之優量入所以
備凶興庶期於變俗爰褒有容尊賢之典惟新載奉素
王宗予之道斯在綸言一降庶政畢行懷生之倫感悅
無量臣某等守在遐遠親奉詔條踴躍之誠倍百恒品
無任感恩抃舞屏營之至

禮部賀冊太上皇后賀表

順宗紀永貞元年八月
立皇太子為皇帝自稱

曰太上皇立良娣王氏為太上皇后今表所賀
即此也董氏冊太上德妃紀所不載公是時尚

在禮
部云

臣某等言伏奉今日日誥良娣王氏冊太上皇后良媛董氏冊太上皇德妃宜令所司備禮冊命者母儀有光坤道克順陰教方行於萬國內理克一作已和於六宮臣

某等誠慶誠賀頓首頓首伏惟皇帝陛下對若天休奉揚睿旨長秋既登其正位禴狄亦被於恩光奉養見三朝之安周旋有四星之輔豈獨配乾稱大助日為明所以表王化之源知孝悌之本冠映千古儀型四方臣某等捧戴施行踊躍無地無任蹈舞欣喜之至

禮部賀太上皇后冊畢賀表

見上注

臣某等言今日太上皇后冊禮云畢率土臣妾慶抃
無窮臣某等誠慶誠賀頓首頓首伏以太上皇后著虞
嬪之至德嗣周母之徽音表率六宮明彰萬國陛下克
修理本以暢化源神道知事地之方人倫識尊親之大
豈惟婦順斯備陰禮用修足以播正始於王風一作國風致
時雍於帝典臣某等謬塵榮位獲覩盛儀踴躍之誠倍

百恒品

百一作萬

賀皇太子牋

永貞元年立廣陵郡王為皇太子即憲宗也牋云職在藩方公尚在南宮

代一藩
臣作

某言伏奉月日制書殿下祇膺茂典位副青宮溫文光
三善之名繼照協重離之慶萬葉固本羣方宅心含生
之徒孰不欣戴況某夙蒙期獎職在藩方懼忝之誠倍
萬恒品

御史臺賀嘉禾表

公貞元二十年尚為監察御史至二十一年方遷禮部員外郎當

是為御
史時作

臣某言今日宰臣以幽州所進嘉禾圖各一軸示百

僚者伏以嘉穀順成靈貺昭格天人合應遐邇同風臣

某誠懼誠慶頓首頓首伏惟皇帝陛下睿謀廣運神化

旁行植物知仁祥圖應聖靈岳不愆於贊祐燕谷用遂

於生成豐稔既均知朔南之被澤休嘉克叶見天地之

同和六穗輒稱於漢臣

司馬相如封禪書導一莖六穗
於庖注導擇也一莖六穗謂嘉

禾之米於庖廚
以供祭祀也

異畝恥書於周典

唐叔得禾異畝同穎
獻諸天子王命唐叔

作歸禾
嘉禾

自中形外均慶同歡臣某謬職憲司獲覩休瑞

無任抃躍之至

禮部賀嘉禾及芝草表

貞元二十一年為禮部員外郎時作史不書

臣某等言伏見今月某日內出劍南所進嘉禾圖及陝州所進紫芝草示百寮者珍圖煥開瑞彩交映遐邇偕至福應攸同臣某等誠慶誠賀頓首頓首伏惟皇帝陛下緝熙至道保合太和天惟發祥地不愛寶嘉禾擢質靈草抽英獻於王庭唐叔慚同穎之異見上薦諸郊廟班史謝連葉之奇漢書武帝紀甘泉宮生芝草九莖連葉乃作芝房之歌以薦郊廟既

呈疑疑之祥更覩煌煌之秀豐年斯著聖壽用彰飲和
之人懽抃無極臣某等優游至化披翫殊姿慶抃之誠
倍百恒品

京兆府賀嘉瓜白兔連理棠樹等表

據題云京兆
貞元十八年

間藍田時
作史不書

臣某言今日中使王自寧出徐州刺史張愔所進嘉
瓜圖及白兔兒一并出陳許等州觀察使上官說所進
許州連理棠樹圖示百寮者惟天眷命是降百祥惟聖

欽承用膺多福臣某誠慶誠賀頓首頓首伏以大和所
蒸至德斯應圖物獻瑞周於遠方神瓜合形式表綿綿
之慶異棠連質用彰曄曄之榮

一作休曄
筠輒切

況金風發祥

白兔來擾告有秋之嘉應著成歲於神功雜選紛綸

音選

音如山斯委人盡登於壽域物咸暢於薰風況臣特感
深恩欣逢衆瑞踴躍之至倍萬恒情

禮部賀甘露表

已下四表皆題禮部公貞元二十
一年二月遷禮部員外郎掌尚書

賤奏時相
先後作

臣某言中使王自寧至伏奉宣聖旨出延和殿前丁香
樹甘露一大合示宰臣未時又出一大合令明日示百
寮甘露見降未止者元化升聞靈貺昭荅必呈尤異之
應以告天地之和臣某誠懼誠慶頓首頓首伏惟皇帝
陛下均煦育之功敷滂澍之澤大和潛達閔瑞克彰發
於天霄特降宮樹朝光初燭方湛湛而不晞湛大減切詩湛湛露
斯匪陽不晞畏景轉炎更濃灑而未已穰音綴葉而珠璣積耀
盈罷而冰玉呈姿芳襲椒蘭味兼飴醴飴音怡然則零

其庭而著異

揚雄曰昔二帝三王國家殷富上下交足故甘露零其庭紀於年以標

奇

漢宣帝時甘露降於是以紀其年

徒矜往辰孰並茲日况樹有丁香

之珍殿即延和之號所以著芳風之遠播期聖壽於無疆事絕古今慶傳遐邇臣謬承渥澤獲覩殊祥抃躍之誠倍萬恒品

禮部賀白龍并青蓮花合懽蓮子黃瓜等表

或注云京

兆恐非是

臣某言伏見今月日内出滄州所進白龍見圖又出西

內定禮池中青蓮花并神龍寺合歡蓮子示百寮二十
三日又出鹽州所進合歡黃瓜圖者二氣交泰萬國同
和動植思協於殊祥遐邇畢呈其嘉應披圖按牒聖理
彰明臣誠懼誠慶頓首頓首伏以天地非遠睿感必通
豐瑞重祥累集宮禁池蓮表異靈兆非常敷彼青光徵
佛書而尤絕成其嘉實驗祥經而甚稀積慶旁流自中
徂外遂使龍騰白質乘秋果應於金行瓜合黃中表聖
更彰於土德遠通邊徼近出苑園合慶同歡周於億兆

況復邦畿之內雨霽必時宿麥大穰嘉穀滋茂和風孕
育靈氣陶蒸是皆發自帝心達於天意周流升降成此
歲功惠彼羣生自為嘉瑞臣某深惟多幸獲遇斯時觀
靈貺之備臻知人和之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽鮮
明色實殊常性惟馴狎臣聞聖王之德無所不至有感
則應無幽不通伏惟陛下恩霑動植仁洽飛翔故得茲

禽呈休効質伏以白者正色實表金方鵲以知來式彰
寇服用符歸化之兆克耀太平之階臣職參禁垣獲覩
嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰縣
移風鄉百姓王獻朝園內產嘉瓜二實同蒂圖示百寮
者實祚惟新嘉瑞來應式彰聖德更表天心臣某等誠
慶誠賀頓首頓首伏惟皇帝陛下保合太和緝熙庶類

德馨上達神化旁行嘉瓜發祥來自侯服質惟同蒂見
車書之永均地則移風知化育之方始雖七月而食豳

土歌王業之難

大戴禮五月治瓜七月食瓜詩
邇國風七月陳王業之艱難也

五色稱

珍東陵詠嘉賓之會

阮籍瓜詩五色曜朝日漢邵平故
為秦東陵侯秦破為布衣種瓜長

安城東瓜美
世號東陵瓜

未聞感通若斯昭著者也臣某等遭逢聖

運親仰珍圖抃躍之誠倍百恒品無任慶悅之至

為王京兆賀嘉蓮表

王京兆曾見上賀皇帝即位
表注王京兆權也永貞元年

二月為京兆尹至十一月貶此下賀雨四表皆
權為京兆尹公尚為禮部員外郎時作是年九

月公出為邵州刺史
十一月權亦罷去矣

臣某言今日某時中使某奉宣聖旨出西內神龍寺前
水渠內合歡蓮花圖一軸示百寮者祥圖煥開異彩交
映贊天地之合德表神人之同歡臣某誠歡誠慶頓首
頓首伏惟皇帝陛下道協重華慶傳種德陶陰陽之粹
美孕造化之精英吉慶每見於天心發祥必自於禁掖
是使雙華擢秀連蒂垂芳香激大王之風
宋玉風賦序
楚王游蘭臺
之宮風颯然而下乃曰此風寡人與庶人
共之耶宋玉奏曰此獨大王之雄風耳影耀天泉之

水

沈約宋書文帝永嘉二十一年天泉池二蓮同幹

煥開宮沼旁映給園靈眄

應期天龍護聖寶歷賈超於小劫神功允洽於大千臣
某獲覩昇平濫居榮寵聞瑞應而稱慶仰績事而增歡
無任抃蹈喜躍之至

為王京兆賀雨表一

見上注

臣某言臣昨日面奉進旨以近日少雨今月內無雨即
須祈禱今日便降甘雨者天且不違神必有據密雲與
綸言繼發時雨將天澤並流臣某誠懼誠慶頓首頓首

伏惟皇帝陛下憂切蒸黎慮深稼穡思彼未兆防於無
形滲漉每出於湛恩變化必隨於廣運宸衷暫惕已矯
御天之龍聖謨既宣遂洽漏泉之澤憲霽周布
憲徒感切霽音

隊雲黑
憲霽也

霏微四施黍稷盡成公私皆及野夫鼓舞知帝

力之元通官吏歡呼見天心之默喻臣某牧人京邑動
仰皇靈渥澤徒加涓滴無助無任感悅屏營之至

王京兆賀雨表二

臣某言臣伏見今月二十四日時雨溥降伏以聖心積

念天意遽迴移造化之元功革陰陽之常數臣某誠慶
誠并頓首頓首皇帝陛下仁育蒼生恩同赤子自頃天
雨未降時稼或愆貶食齋戒至誠幽達又慮宿麥無備
播種失時出於宸衷特令賑貸審謨潛運甘雨遂周布
獲垂陰隨聖澤而俱遠滂沱積潤興恩波而共深臣某
才術無聞謬司邦甸生成必資於帝力進退何補於天
工沐浴太和慙荷無極無任慶躍屏營之至

王京兆賀雨表三

臣某言今月十三日面奉進旨緣自春來少雨宜即差
官精誠祈禱者十四日臣便差官分赴靈跡其日雲陰
四合至十五日甘雨遂降伏惟皇帝陛下言為神化動
合天心未成早暵之虞已積憂勤之慮衆靈受職薈蔚
且躋於南山薈蔚音鬱百穀仰榮滂霈遂霑於東作睿

謨朝降膏澤夕周知天人之已交識陰陽之不測然則

周王徒勤於方社一作方岳謂其殷帝虛美於桑林湯既

克夏大旱湯乃以身禱於桑林剪爪豈無災而早圖未
髮自以為犧牲以祈於天雨乃大至

禱而先應化超前聖道貫重元徧野同歡傾都相慶臣
之欣躍倍萬恒情

王京兆賀雨表四

臣某言臣於三月二十九日奉進旨於諸靈跡處祈雨
至三十日甘雨遂降者臣聞惟聖有作先天不違發令
而祥風已興致誠而元液旋被臣某誠欣誠賀頓首頓
首伏惟皇帝陛下側身防患道邁周王盡力勤人功超
夏后聖謨廣運驅百靈以從風神化旁行滋五稼而流

澤沛雲四合膏雨溥周農壤遂一於肥磽

丘與境同

滲漉

盡霑於遐邇蒸黎詠德知必自於聖心草木欣榮如有
感於皇化有年之慶實在於斯臣以無能謬領京邑上勞
宸慮運此歲功無任喜懼屏營之至

賀親自祈雨有應表

或亦以為代王京兆作然觀表言得上都院官金部員外

郎韓述狀報以時雨未降親自於龍堂祈禱其
日降雨又言臣以庸虛謬司垣翰必外州刺史

所上在永州
時代人作

臣某言臣得上都院官金部員外郎韓述狀報以時雨

未降親自於龍堂祈禱有靈禽羣翔自成行列如隨威鳳以翼龍舟其日降雨者

中謝

伏以時或憊陽歲之常

候式當聖日無害豐年陛下敦本務農憂人憫雨宸慮

所至天心自通故得瑞鳥迎舟掩商羊之舞仙雲覆水

協從龍之徵初泛洒於上宮遂滂霈於率土自中徂外

皆荷生成雨公及私靡不碩茂殷后徒勤於自剪

見上注

周公空愧於舞雩

周禮春官女巫職歲旱暵則舞雩

臣以庸虛謬司垣

翰有年之慶惟聖之功臣某不任喜慶屏營之至

柳河東集卷三十七

欽定四庫全書

柳河東集卷三十八

唐 柳宗元 撰

表二十六首

為裴中丞賀克東平赦表

潞青李師道納之子而師古之弟也元和元年

師古卒師道遂為留後父子襲爵幾數十載朝廷待之甚厚俄有反謀悖亂至不勝誅元和十年

三年憲宗憤之乃詔削其官爵令宣武魏博義成武寧橫海等五鎮之師分路進討於是李愿

鄭權韓弘李夷簡田弘正之徒轉戰必克十四年二月遂為其將劉悟所擒斬首傳之京師潞

青等十二州由是悉平朝廷乃命戶部侍郎楊
於陵為宣撫使且使分其地於陵至則按圖籍
視土地速通以鄆曹濮為一道淄青齊登萊為
一道兗海沂密為一道此三道之所以分也中
丞裴公行立
時督桂州丞

臣某言伏奉月日德音以淄青蕩平褒功宥罪布告遐
邇者臣聞肅殺之後每致陽和雷霆既施必聞膏澤中

謝伏惟陛下體乾剛以運行叶坤元之翕闢百靈受職

六合從風阻兵怙亂者必就梟擒懷功抱義者無不甄

錄甄甄稽延切陶也激其效順特加旄節之榮寵以元功遂魚鼎

鉉之任

鉉胡犬切鼎也

戎行窮賞賚之重死事極褒卹之優刻

脅之役盡除聚斂之名皆去傷夷受煦老疾加恩豐財

已復其征徭賜種更盈於種稂

種音童稂音陸詩黍稷種稂

嚴山川

之祀神必有依申義烈之家物無不感周王推忠孝之

化漢帝慙愷悌之風太平之德斯為至盛

一作太平之業既崇中興

之德斯至

然則虞巡可復告成將慶於岱宗

事見書謂泰山在兗州而兗屬

淄青也

漢典方行講禮再榮於闕里

後漢章帝元和二年東巡狩還過魯幸闕

里以太牢祠孔子此謂淄青蓋昔魯國之地也

臣謬膺重寄獲覩太和抃蹈之

誠倍萬恒品謹已施行郡邑宣示軍戎莫不動地歡呼
若醉千鍾之酒騰天鼓舞如聞九奏之音無任慶賀踊
躍之至

柳州賀破東平表

臣某言即日被觀察使牒李師道以月日克就梟戮者

帝德廣運唐命惟新霾曠廓清

霾音埋又暮拜切說文風雨土也曠音翳陰風

也天地貞觀率土臣庶慶抃無涯

中謝

伏惟睿文神武

皇帝陛下威使百神德消六沘

音庚興沘同妖氣也

天降寶運時

歸太平自克夏擒吳翦蜀平蔡殊類稽顙羣疑革心唯
此兇妖尚聞悖慢庭議既得廟謀必臧旌旗燭耀於洪

河金鼓震驚於靈岳郛城自潰寧同莒魯之爭

左傳昭公元年

季武子伐莒取郛注兵未加莒而郛服故書取而不言
伐此謂李師道初治郛州城塹修守備而其將劉悟乃
與諸公卷旗束甲還齊地悉平無俟耿陳之戰

後漢光武初興

是時長安政亂張步起琅邪五年帝乃遣耿弇率劉歆
陳俊二將軍討之戰於臨淄步衆大敗步乃斬蘇茂以
降弇復引兵至城陽降丘校餘黨齊地
悉平琅邪臨淄即青海二州之屬邑也

五兵永戢七德

無虧舍生比堯舜之仁率土陋成康之俗介丘霧息已

望翠華之來

介丘度必淄青諸州之地選南都

沂水風

生更起舞雩之詠

沂水屬沂州亦淄青十二州之一也

千歲之統實在於

斯臣守在蠻荒獲承大慶并蹈之至倍萬恒情

晏本更有伏以

舜念克勤禹思受益無疆惟郵既聞致理之方靡不有初願獻持盈之誠

代裴中丞賀分淄青為三道節度表

注見上

臣某言伏見某月日制分淄青諸州為三道節度都團練觀察等使者虵豕之穴忽為樂郊氛祲之餘盡成和氣伏惟皇帝陛下天付昌期神開寶曆復昇平之土宇

拔妖孽之根源自西自東不違於指顧我疆我理咸得

其區分山川備臨制之形道途適征徭之便俾侯既定

賜履以寧異青兗之封爰從古制解曹衛之地實契雅

謀雅一作新車甲永藏馬牛勿用俗被雍熙之化代知仁壽

之期農事載盛於耨艾儒風重興於俎豆足使季札觀

魯更陳南籥之儀左傳襄公二十九年吳季札聘魯請觀周樂見舞象箭南籥者曰美哉猶

有憾此謂魯地自是有禮之可觀也山甫徂齊復正東方之賦詩烝民王命仲山甫

城彼東方注東方齊也蓋去薄姑而遷於臨淄臨淄在上注臣總戎遠地不獲陪賀

闕庭

云云

為韋侍郎賀布衣竇羣除右拾遺表

竇羣京兆金城人也以處

士客隱毗陵蘇州刺史韋夏卿薦之朝并表其所著書報聞不召復夏卿入為吏部侍郎改京兆尹復言於德宗遂擢為左拾遺據羣傳曰陛下即位二十年始自草茅擢臣為拾遺蓋自大厯十四年己未至貞元十四年戊寅德宗即位為二十年也公時為集賢殿正字作新舊史皆以擢羣為左拾遺而諸本皆題右拾遺未知孰是

臣某伏見今日制除布衣竇羣右拾遺者臣聞直道之行四方嚮德逸人是舉天下歸心中謝臣伏以竇羣

肥遯居貞包蒙養正學術精果操行堅明讚詠道真以
求其志臣頃守藩服特所委知及歸朝廷輒有聞薦庶
逃竊位之責以塞曠官之尤豈謂天聽曲從瞽言無廢
況諫諍之職政化是參擢於布衣久無其比周行慶抃
林藪震驚晦迹寧慮於遺賢懷才盡思於展効臣以性
本庸疎動無裨益唯思進拔以報恩榮區區懇誠實貫
金石言而不廢微臣敢竊於薦雄漢左雄傳順帝新立
大臣懈怠朝多闕政
雄數言事其辭深切尚書僕射虞詡以雄有忠
公節上疏薦之由是拜雄尚書再遷尚書令

德必有

鄰聖政式光於尊隗

史記燕昭王欲厚幣以招賢者謂郭隗曰誠欲得賢士與共國以雪

先王之恥隗曰王必欲致士先從隗始況賢於隗者自
宣遠千里哉於是昭王築宮而師事之士爭趣燕

羣受命冀復面陳迫以疾病接於休假注心蓄念寤寐
兢惶無任喜躍屏營之至

為樊左丞讓官表

左丞公名字及作之年月俱未詳然當在京師作附次貞元十

五六年
大章後

臣某言伏奉今月二十八日制除臣尚書左丞寵命俯
臨慙顏自失泛大鯨之海但覺魂搖戴巨鼇之山未如

恩重

中謝

臣聞尚書百揆翊亮萬機故天上尊北斗中

樞陛下有南宮左轄晉昇孔坦諒直當時

孔坦少方直有雅望初為

太子舍人遷尚書郎建議慷慨遷尚書左丞深為漢

臺中之所敬憚年五十一卒追贈光祿勳諡曰簡諒

拜楊喬閑練故事後漢楊喬桓帝時為尚書容儀偉麗數上言政事帝甚愛之從以黨錮坐

獄賈彪等上疏曰今臺閣近臣尚書朱寓等皆國之貞

士朝之良佐尚書郎楊喬等大質彬彬明建國典陛下

乃委任近習專任饗餐宜以次

庶得百寮有憚於會府

諸侯取法於京師臣實諛才

諛音篠禮記足諛聞

謬登清貫握

蘭起草昔秦朝經

漢官儀尚書郎主作文書起草更直於建禮門內懷香握蘭趨走於丹墀

剖竹頒條近貽人瘼

漢書文帝紀初與郡守為銅虎符竹使符師古曰符者謂各分其半

右留京師左以與之又武帝初置部刺史掌奉詔六條察詔瘼音莫

備厯中外無聞聲彩

版圖再緝貢賦未均於九州銅印更操威儀不撿於三

署

漢中郎將分掌三署郎有議郎中郎比六百石侍郎比三百石郎中比二百石

次郎補缺豈

易其人聖主求才宜難此受竊謂旁求俊乂側訪瓌奇

必使德合準繩言成綱紀興化致理時無間言况安上

必在於薦賢危身莫踰於曠職儻蒙垂收紫渙俯矜丹

誠愚臣保陳力之言聖鑒有責成之地無任覲冒

覲他典切

惶悚之極謹詣朝堂奉表陳讓以聞臣所讓人別狀封
進

為王戶部薦李諒表

戶部王叔文也以順宗實錄考之貞元二十一年五月以

王叔文為戶部侍郎據叔文太夫人墓誌云戶部執事四旬有六日而夫人終於堂此表當在

五六月間作也

臣某言臣聞知賢必進忠臣之大方擇善而舉一作明居

主之要道況臣特受恩遇超絕古今報國之誠寤寐深切是敢竭愚臣之微分助陛下之至明恢張羽儀宏輔

治化臣某誠惶誠恐頓首頓首竊見新授某官李諒清明直方柔惠端信強以有禮敏而甚文求之後來畧無其比臣自任度支副使以諒為巡官未及薦聞至某月日荆南奏官勅下赴本道諒實國器合在朝行臣之所知尤惜其去伏望天恩授以諫官使備獻納冀他日公卿之任斯馬取斯則聖朝無乏士之名微臣緩蔽賢之罰無任誠懇屏營之至

為王戶部陳情表

公嘗誌戶部侍郎王公太夫人劉氏墓云貞元二十一年六月

二十日終此表當在是時作蓋叔文本傳叔文
母死匿不發置酒翰林自稱親疾病以身任國
家大事朝夕不得侍今當請急宜聽然一去此
百踴至孰為吾助者左右竊語曰母死已腐矣
留此將何為此表即
為叔文請急者也

臣某言臣母劉氏今月十三日忽患瘖一作暗風發動狀

候非常今雖自退猶甚虛憊都活切驚惶憂苦不知所圖

臣唯一身更無兄弟侍疾嘗藥難闕須臾伏乞聖恩停

臣所職今臣見在家扶侍其官吏等並已發遣訖臣以

庸微特承顧遇拔自卑品委以劇司夙夜兢惶唯思答

効至誠至懇天睠所知豈慮未効涓塵遽迫方寸以開
塞重輕之務加焦勞憂灼之懷雖欲徇公無由枉志况
忠孝同道臣子之心許國誠切於死生報親忍忘於顧
復進退窮蹙昧死上陳候母劉氏疾疢小瘳冀微臣駕
蹇再効無任惶懼懇倒鳴咽之至

一無候母劉氏疾疢
小瘳冀微臣駕蹇再

効
字

代裴中丞謝討黃少卿賊表

黃少卿據傳貞元十
年黃洞首領黃少卿

攻邕管等州經畧使孫公麗請發嶺南兵討之
德宗不許遣中人招諭不從自是叛服無定元

和間曰黃承慶曰黃少度曰黃昌璵皆速起為
患桂管觀察使裴行立與容管經畧使陽旻徽
幸有功爭欲攻討議者以為不可而憲宗許之
實元和十四年也表是時作惟新史行立傳謂
黃家洞賊叛行立討平之而資治通鑑則曰行
立旻竟無功其抵牾如此韓文公嘗有論黃家
賊事宜狀其別白利害甚明正罪
裴陽二公之輕用其兵誠得之矣

臣某

云云

即日奉事官米蘭迴伏奉手詔

云云

者臣聞

膚革既平雖疥癬而必去豺狼已斃在狐鼠而宜除臣

某

中謝

伏惟元和聖文神武法天應道皇帝陛下受命

上元底寧下土允渠盡殄威武載揚蠢爾腥膻尚聞凌

暴靈旗斜指銅獸俯臨三軍知必勝之方萬姓嘉永清

之路微臣忝司戎律親列顏行躡伏波之舊規乘下瀨

之故事

漢武帝征南越東甌有伏波樓船下瀨橫海之號元鼎五年遣伏波將軍路博德出桂陽下湟

水甲為下瀨將軍下蒼梧服虔曰甲故越人歸漢者也臣瓚曰瀨湍也吳越謂之瀨音賴桂陽蒼梧皆隸嶺南

所謂黃賊正為患於嶺南耳

盡瘁事國期畢命於戈矛不宿於家思

奮身於原野即以今日某時出師就道便披榛擷石摩

壘陷堅蕩清海隅永息邊徼

音叫境也

竊以才非充國敢自

贊於無踰

漢神爵元年趙充國年七十餘上老之使御史大夫丙吉問誰可將者充國對曰無踰於

老臣者矣

志慕孟公庶追蹤於不伐

語孟之反不伐奔而殿將入門策其馬曰非敢

後也馬不進也注魯大夫孟之例與齊戰軍大敗不自伐其功故獨殿後也

謬承重委寤寐

兢惶無任感恩隕越之至

為裴中丞舉人自代伐黃賊表

次前篇作

伏以某官器宇端方風姿詳雅譙虛內敏籌畧共推前
佐湖南悉心匡佐後厯郡掾深負政聲惠愛在人奸邪
屏息勤勞已著幹蠱無倫今黃賊尚據荒陬犬巢未覆
儻以某代某之任必能掃蕩氛祲廓清海濱竊惟斯人

雅堪厥職

進平淮夷雅表

已見第一卷首

為崔中丞請朝覲表

或以為崔能非是據能傳元和六年為黔中觀察使長慶

四年為嶺南節度使初不為臨桂而長慶初則于厚已死考之舊史憲宗元和五年以鄧州刺

史在泳為邕管經畧使八月十二月復自邕管移桂管表謂前在朗寧封章累上及移臨桂星

紀屢周盖朗寧即邕州公下卷又有代上中書門下狀云理戎典郡十有四年頃在邕州累陳

誠懇即此謂也又云自領桂管又逾再周自八年十二月至十年是月即再周矣至十一年方

以裴行立為桂管觀察使則此表當在十一年作

臣歷刺三州連總二府外任逾紀入覲無階就日望雲
魂飛心注伏惟睿聖文武皇帝陛下履載無私遐邇同
致復昇平之故事繼前聖之高蹤中外踐更出入迭用
臣以虛薄叨受恩榮徒竭夙夜之心未申朝夕之敬天
威咫尺誠寤寐而無違雲漢昭回罔瞻仰而何及是以
前在朗寧封章累上及移臨桂星紀屢周微衷尚隔於
戴盆史戴盆何
以望天積望徒懸於窺管莊子用管窺天用
錐指地不亦小乎葵
藿之誠彌切犬馬之戀逾深人欲天從於茲未驗下情

上達終冀不誣敢黷宸嚴罄陳丹懇伏乞賜臣除替許
至闕庭厠蹈舞於羣僚備班行於散地足趨中禁目覩
大明俾成九族之榮以盡百生之幸非敢竊國賓五獻
之禮希康侯三接之恩一覲龍顏萬死為足覲音迪無任
懇迫激切之至

代柳公綽謝上任表

自公綽史有傳憲宗元和六年
御史中丞出為湖南觀察

使表謂忘其疎陋委以雄藩顧無綏
馭之能謬忝澄清之寄當即時作

肅恭休命晨夜趨程祇荷寵私不遑寢食以月日到所

部上訖

云云

臣聞古之制爵祿者爵以居有德祿以養

有功臣本書生官不期達值某皇帝文明撫運大闡元
猷搜采衆材幸忝甄錄厯踐中外星霜屢移曾無涓塵
上答鴻造忘其薄陋委以雄藩顧無綏馭之能謬忝澄
清之寄將何以敷宣皇澤普諭天慈唯當察慝以為防
視俗以為教蠲除細故務安黎獻庶幾清淨無擾以慰
遠人臣不勝忝冒荷恩之至

代李愬襄州謝上任表

愬本傳元和十二年愬以
夜入蔡州擒吳元濟有詔

進檢校尚書右僕射山南東道節度使兼襄陽
去嶺表遠絕而公自柳州有為謝上表疑非公
之文表謂幸賴先臣緒業累忝國恩蓋慙即
太師忠武公李晟之子累有大功於唐焉

捧對絲綸慙悸無地拜命兢悚不知所裁臣凡賤瑣才
智畧無取幸賴先臣緒業累忝國恩天澤曲流遂司節
制寄深分閫任重專任顧無將領之才謬處衆人之上
豈謂宸私軫念仁育為心霈澤無涯德音屢降士衆感
悅咸思竭忠遂得潛師暗入賊境不意兇渠就戮此皆
聖謨豈敢叨天以為已力

左氏其敢貪天之功以為已力乎

仰荷殊造

重於丘山臣以月日上訖謹當敷宣皇化普諭聖慈綏撫三軍又安百姓冀以塵露上答鴻私

云云

代節使謝遷鎮表

節使公史不可考表謂務修農稼率勵遠人此在永州作次元

和九年
文章後

鴻私曲臨獨越夷等祇荷明命寤寐不遑臣才非器能謬膺仕進雖竭盡駑劣力効忠勤冀寡愆尤

愆與
同

敢望

官達某宗皇帝不以臣儒術淺薄超授禮官尋遷正郎遂忝符郡某皇帝不遺臣小善擢處諫曹叨承厚恩備

職藩翰顧惟瑣劣多慙負恩伏惟陛下德紹唐虞無私庶政臣尸素歲久譴謫宜加豈冀褒昇更遷重鎮再忝澄清之寄仍同獻替之榮將何以上答天慈下安氓庶臣當務修農稼率勵遠人鋤其奸慝以副勤卹無任云

為劉同州謝上表

劉同州未詳德宗貞元十八年以同州刺史劉公濟為鄜州刺史

史鄜坊丹延節度使豈即此耶據為劉同州此當在京師時作次貞元十六年文章後

臣某言伏奉某月日制除臣同州刺史兼本州防禦營

田長春宮使某月日到州上任訖臣初奉綸言震并無

極及臨所部驚懼逾深投軀莫報於乾坤陳力無裨於

造化臣某誠惶誠恐頓首頓首臣出自諸生不習為吏

有恒懦之質恒音匡怯也懦徒卧切弱也無區處之能託跡儒門乏

仲弓南面之德語雍也可使南面委身郎署闕馮唐論將之對

漢馮唐以孝著為郎中署長文帝謂曰吾居代時吾尚食監高祛數為我言趙將李齊之賢戰于鉅鹿下吾每

飲食意未嘗不在鉅鹿也唐對齊尚不如魚頗李牧之為將也云云常懼叨冒清列蕪穢

聖朝豈意天聽忽臨鴻恩薦及八命作牧一麾出守拔

自下位寄之雄藩非臣庸瑣所宜膺據况馮翊密邇王

都古稱三輔

馮翊同州郡名左馮翊右扶風京兆謂之三輔

爰自近代命秩逾

崇有兵食之虞有宮室之制皆公卿將相出入由之仰

徵甲令俯窺圖記跼蹐無地以競以惶恩重命輕不知

所効庶當刻精運力

一作利精畢力

夙夜祇勤上奉雍熙旁流

愷悌以日繫月儻或有成庶幾之心懔懔增惕徒望雲

而就日喜近帝鄉將擊壤以成風共歌堯代天威咫尺

敢布丹誠無任惓惓屏營之至

代裴行立謝移鎮表

行立即前裴中丞也行立學兵有法繇蘄州刺史遷安南

經畧使徙桂管觀察使元和十四年代桂仲武為安南都護表謂臣比臨此鎮備更夷險故材

舊壤宛在目前蓋前為安南經畧今復為都護也表是時作黃賊事詳見前表

星言即駕便道之藩祇荷寵榮不敢寧息臣某爰自弱齡即忝推擇階緣試吏累忝清資先聖以臣粗知兵要俾統師徒交蠻俶擾黃賊不馴奉詔俾臣撲滅氛祲士衆賈勇思酬渥恩冀因此時得立微効豈謂時多疫癘不副憂勤知臣特深復洗瑕責夙夜感戴捐軀有期徒

增憤勇力未從願微臣不幸釁故重重泣血摧肝載崩

載咽陛下龍興御極寰海永清道暢八埏

音禪地有八埏

威加

九域鴻恩普洽靡不周泰伏蒙累垂休命遂越等夷循

省何人過膺擢況臣比臨此鎮備更夷險故材舊壤

宛在目前雖則殊鄉還同衣錦量巨鼇之力未足負恩

猶蚊蚋之微焉能報德將何以宣揚聖造撫慰疲羸唯

當遵守詔條貶弃奸慝平勻徭賦示以義方持清淨以

臨人守無私以奉國重修前志再勵干戈展駑駘之効

臺 胎音

中鷹犬之用庶荒陬夷獠盡沐皇風率土生靈備

聞斯慶微臣之志也限以云云

代韋永州謝上表

自子厚謫佐永州刺史之見本集者六人元和元年刺史韋公

見賀改元表二三年刺史馮公見修淨土院記
元和五年以前刺史崔君敏見南池讌集序及
墓誌後又有刺史崔簡未上被罪見簡墓誌集
文等篇元和七年八月刺史即此所謂韋永州
也蓋表云曠牧守於再秋正言簡以
罪去後無其人耳表當作於七年云

臣某言伏奉月日制書除臣永州刺史以月日到州上
訖受命若驚臨職彌懼臣以無能累更事任神州赤縣

實所備嘗過量逾涯每深兢惕不謂聖恩推澤濫駕朱
輪祿秩徒增詎施乳哺之惠服命虛受寧興襦袴之謠
况此州地極三湘俗參百越左社居椎髻之半可墾乃
石田之餘曠牧守於再秋彌驕獷俗獷古切代征賦於三
郡重困疲人分災本出於一時積弊遂逾於十稔撫安
未易知法出而姦生子育誠難懼力勞而功寡夙夜憂
切不敢遑寧庶當宣布天慈奉揚神化以日繫月儻或
有成少裨愷悌之風用答生成之造無任感恩殞越之

至

謝除柳州刺史表

諸本表首皆云伏奉三月十三日制除臣使持節柳州諸軍事

守柳州刺史六月二十七日到任上訖惟資治通鑑三月乙酉除命而長歷乙酉為十四日此

云十三日豈字之誤耶後表非公之作蓋公之為柳州正月已召至京師三月方出而表謂蒙聖恩除替便欲裂裳裹足

赴京師此自可見也

早以文律參於士林德宗選於衆流擢列御史陛下嗣登寶位微臣官在禮司百寮稱賀皆臣草奏臣以不慎交友旋及禍誣

一作誣

聖恩宏貸謫在善地累更大赦獲

奉詔追違離十年一見宮闕親授朝命牧人遠方漸輕
不宥之辜特奉分憂之寄銘心鏤骨無報上天謹當宣
布詔條竭盡鴛塞皇風不異於遐邇聖澤無問於華夷
庶答鴻私以塞餘罪

云云

柳州謝上表

臣某言伏奉詔書授臣柳州刺史以今月二日至部上
訖臣前歲以久停官秩去年蒙聖恩除替便欲裂裳裹
足趨赴京師以舊疾所嬰彌年未逾逮及今夏始就歸

途襄陽節度使于頔與臣早歲同官見臣當署在道懇
留在館尋假職名意欲厚臣非臣所願伏惟陛下光被
之德道以洽於區中憂濟之勤心每徧於天下常以萬
邦共理必藉於循良一物不遺尚延於愚藐假臣寵渥
重領方州駑駘復効於奔馳枯朽更同於華秀中謝臣
聞潢污易竭抑有朝宗之願犬馬無識猶知戀主之誠
揣分則然惟天知鑒況臣昔因左官一紀於外子牟馳
心於魏闕汲黯積思於漢庭豈非夫人獨無斯戀去就

者榮辱之主朝廷者仕進之源臣子之宜忠貞所志臣
雖心同犬馬而分比潢汚幸躡康衢意非往蹇臣之此
誠口不能諭意欲悉達大非盡言此臣所以自咎自恨
復乖志願猶冀苦心勵節上奉詔條惠寡恤貧下除人
瘼恭宣皇化少答鴻私不勝慌欣之至

慌音荒博雅云忘也

代廣南節度使舉裴中丞自代表

據節度使鄭綱傳初拜中

書侍郎平章事加集賢殿大學士轉門下侍郎
憲宗初勵精求理綱與杜黃裳同當國柄黃裳
多所闕決首建議誅忠琳斬劉闢及他制置綱
譴默多無所事由是出為嶺南節度觀察使廣

州刺史故復謝出鎮表云天德薦臨遂加台政
不能翊宣明聖剿絕允渠實由臣不稱職使此
艱患伐檀興議負采招譏皆禍咎之詞也中丞
裴公非復行立蓋自蘄州為安南經畧則所謂
自某州刺史撫臨安南者若似可信然行立自
安南徙桂管未嘗為容州也網為廣南在元和

五年三月云

前件官罷宇深沉天才間出爰從撫字逮於察廉所職
恪勤庶務皆勸日者安南夷獠反叛害其連帥毒痛黎
人某皇帝以某威惠茂著自某州刺史俾之撫臨夙夜
經行盡除兵器賊徒識恩黨種歸義炎荒之俗靡不底

寧後改鎮容州勲効彌顯澄清庶類邁德前修深負能
名合遷重鎮臣自惟凡懦不逮前人伏乞天恩回授某
非惟旌德是亦節能庶微臣免尸祿之憂某獲無私之
舉

奏薦從事表

從事不可考表
次前篇同時作

某績茂戎軒才優管記操刀必割豈謝剗犀

王粲刀銘
云陸剗犀

兕水裁
鯨鯢

落筆不休寧慚倚馬

李白與韓荆州書云請
日試萬言倚馬可待

况

早登科選夙洽時譚匪唯詞藝雙美抑亦器能多適比

於流輩頗為淹滯輒敢薦陳伏希獎錄

代廣南節使謝出鎮表

作之年月及所
叙事具前表

鴻霈曲臨惶駭交集捧對綸綍

上音倫
下音綿

不知所圖

中謝

臣聞蕭曹佐漢六合為家爽望匡周萬方同軌臣幸以
芻賤累忝殊榮天德薦臨遂加台政不能翊宣明聖增

日月之光俾允渠剿絕

剿子
小切

人用康寧實由臣不稱職

使此艱患

使一
作役

伐檀興議

詩伐檀刺貪也在位貪鄙無
功而受祿君子不得進仕爾

負乘招譏

易負且乘致寇至負也者小人之事也乘也
者君子之器也小人而乘君子之器盜斯奪

之矣常懷覆餗之虞

餗音速鼎實也

敢望專征之寄獻俘未遠展

効有期希此微功上答殊造

云云

為楊湖南謝設表

德宗貞元十八年九月乙卯朔以太常少卿楊憑為潭州刺史

湖南觀察使癸亥賜羣臣宴于馬璘山池上賦九日賜宴詩六韻賜之勅設豈亦在其時耶

臣某言中使某乙至奉宣聖旨賜臣長樂驛設者恩榮
特殊宴飲斯及顧茲厚禮猥集微躬臣某誠懼誠慶頓
首頓首臣以多幸屬此昌時任重方隅職忝文武甘受
素食之刺知無肉食之謀以憂以惶寤寐無措豈謂鴻

恩繼至豐膳爰來陸海魚陳飴醴皆設

飴音怡一作酒

庶當奉

揚聖澤覃布遠人流愷樂於皇風均乳哺於赤子少陳微効上答殊私無任感恩欣躍之至

為武中丞謝賜櫻桃表

中丞武元衡也貞元二十一年遷御史中丞公集有諸

使魚御史中丞壁記曰武公以厚德在位甚宜其職遂命其屬書之明年二月則公已遷禮部員外郎而元衡亦罷為右庶子此表當在二十一年夏作憲宗即位復以武元衡為御史中丞則時已永貞元年冬矣

臣某言中使某乙至奉宣聖旨賜臣櫻桃若干者天睽

特深時珍洊降寵驚里巷恩溢圓方臣某誠喜誠懼頓

首頓首伏以含桃之羞時令攸貴

禮仲夏之月天子羞以含桃先薦寢廟

況今採因御苑分自天厨使發九霄集繁星而積耀味

調六氣承湛露而不晞盈皆而外被恩光

皆疾智才諧二切目也

適口而中含渥澤顧慙素食彌切自公豈圖君子所先

遂厭小人之腹

謝賜時服表

此表代人作以文意考之當是在京師時文也

祇荷寵私啟處無地臣

中謝

臣久忝朝行歷職無効往

萬星紀偷榮歲時不能少益聖猷以副深寄致使賊遺
君父艱難未息合處嚴憲以正國章伏以陛下恢天覆
之恩廣地載之厚不循彝典俾同冕紱重劇丘山捧戴
以入閨門空知夕惕裁縫而為衣服固可畫行內省疲
駑將何答効

謝賜端午綾帛衣服表

公元和十年三月出為柳
州表云謬典方州又云慙

分五嶺之憂此當
是在柳時作也

綸言曲臨寵服薦至跪捧殊錫慶躍交并臣
中謝臣謬

典方州効微涓滴叨承大貺榮重丘山非才忝恩俯伏
慙荷朱明啟節御府賜衣沐聖澤而溟海方深被仙衣
而鶴龜齊壽馳心向闕跼影望天
跼梁足切跼不伸也
慙分五
嶺之憂莫副九重之詔臣無任
云云



柳河東集卷三十八

欽定四庫全書

集部
柳河東集卷
三十九
四十

詳校官內閣學士臣瑞保

檢討臣何思鈞覆勘

總校官進士臣朱 鈐

校對官編修臣吳舒帷

謄錄監生臣金際會

欽定四庫全書

柳河東集卷三十九

唐柳宗元撰

奏狀二十一首

為廣南鄭相公奏百姓產三男狀

鄭相公即前鄭綱也元和五年

出為廣南九年五月史載以前廣南節度使鄭綱為工部尚書則此狀當在元和六七年作

右臣所部貞節坊百姓某妻產三男者臣詳究往例寔為休徵已量事給絹三十疋充其乳養者伏以陛下勤

邱黎元感通天地靈心昭答景福已興方便億兆繁滋
區夏充牣音奴故表祥於宇育是啓運於昇平事杳化源
慶延邦本鱗羽之瑞曾何足云臣幸列藩維嘗叨樞近
私賀之至

為薛中丞浙東奏五色雲狀

薛中丞戎也韓文公嘗誌其墓云元和十

二年拜越州刺史兼御史中丞浙東觀察使此
狀當在柳州作然兩地相去遼絕況五色雲事
亦便當敷奏而公自抑
州為作奏狀亦可疑云

右臣得管內台州奏月日五色雲見者一州官吏僧道

耆老悉皆瞻覩已奏聞并寫圖奉進者伏以景雲上瑞
王者祉符煥彩彰之在天知聖德之昭感伏維陛下化
孚有截道洽無垠承天地之貞明導陰陽之和氣遂使
紛紛郁郁自東而徂西若烟非烟一旬而再至徵諸古
謀音謀事罕前聞伏乞宣付史館以昭簡冊

為裴中丞奏邕管黃家賊事宜狀

公嘗代裴中丞
謝討黃賊表在

元和十四年狀
當次表後作

右今月四日邕管奏事官嚴訓過稱押衙譚叔向等與

黃家賊五千餘人謀為翻動雖已誅斬猶未清寧當時
差本道同十將某至邕管界首賓州以來迎探事宜兼
為聲援昨得十四日狀并嚴訓狀報同其黃家賊並已
退散各歸洞穴訖伏以鼠竊狗偷非足為患陛下威靈
遠被神化旁行遂使姦猾之謀先期而自露回邪之黨
不戮而盡夷伏恐飛章已達吉語未聞尚軫天心猶煩
廟算臣謬居方鎮忝接疆界所得事宜不敢不奏

讓監察御史狀

公拜監察御史裏行在貞元十九
年閏十月諸集皆載且狀首有名

銜云承奉郎新除監察御史當云裏行後人妄削之耳

右臣伏准名例律諸官與父祖諱同者不合冒榮居之臣祖名察躬今臣蒙恩授前件官以幼年逮事王父禮律之制所不敢踰臣不勝進退惶恐之至謹詣光順門奉狀以聞伏聽勅旨

勅新除監察御史柳宗元祖名察躬准禮二名不偏諱不合辭讓年月日檢校司空同中書門下平章事杜佑宣

為京兆府昭應等九縣訴夏苗旱損狀

貞元十九年自正月

不雨至於七月時京兆尹李寔也韓文公嘗上寔書云今年以來不雨者百有餘日未有赤心事上憂國如閭下者此狀正訴旱而欲蠲輸則寔仁人之心亦可槩見矣然史傳謂關中大歉而寔為政猛方務聚斂進奉以固恩顧百姓所訴一不介意繼以是坐貶其說互相背戾如此

右臣謬領京畿已踰兩月政術無取誠懇莫伸遂使雨

澤愆時田苗微損夙夜兢懼寢食靡遑今長安一十四

縣皆准常年例全徵

皆一作並

其昭應等九縣臣各得狀並

令詳審各絕隱欺謹具別狀封進臣當府夏稅通計約

二十九萬石已上據所損矜免祇當三萬石有餘恤人
則深減數非廣伏以聖慈弘貸憫念蒸黎臣忝職司不
敢不奏無任慚懼之至

為南承嗣請從軍狀

承嗣南霽雲之子七歲為婺州別駕歷刺施涪二州元和

元年劉闢叛以無備自涪謫永集有送南涪州
量移澧州序云始由施州為涪州悍蜀道勅寇
敵畏不敢犯然而筆削之吏以簿書校計盈縮
受譴茲郡凡二歲當是元和三年赦後自永移
澧矣王承宗負恩干紀命將徂征在元和四年
十月此狀公至永後作也所謂亡父死節睢陽
公嘗有南公
睢陽廟碑云

故某官贈某官某乙男某官某乙

右臣亡父至德之歲死節睢陽陛下每降鴻恩必加褒寵臣自七歲即忝班榮垂五十年常居祿秩再守遐郡績用無成終貽官謗甘就嚴譴無以負荷先志報効殊私以慚以懼隕越無地伏見某月日勅以王承宗負恩干紀命將徂征雷霆所加殄滅在近臣竊不自揆思竭忠誠願預一卒之任以答百生之幸庶得摧鋒觸刃摩壘搴旗冀獲盡於微誠倘不墜於遺烈踊躍之至夙夜

不寧敢希皇明俯鑒丹懇臣聞周官考藝國子置車甲

之司

周禮夏官司馬有司甲之職其文闕焉

漢道推恩孤兒備羽林之用

事詳南府君睢陽廟碑及送南涪州量移澧州序

千秋思奮於事越

漢南粵傳高后時粵

頗為惠文景繼立乃委心歸順至武帝時獨其相呂嘉不欲附從武帝使莊參以二十人往參辭不可故濟北相韓千秋奮曰以區區粵又有王應獨相嘉為害願得勇士三百人必斬嘉以報於是遣千秋入粵仲儒

期死於奔吳

西漢灌夫字仲孺吳楚反時潁陰侯灌嬰為將軍屬太尉請夫之父孟為校尉夫以

千人與父俱時孟年老潁陰侯強請之鬱鬱不得意故戰常臨堅遂死吳軍中漢法父子俱有死事得與喪歸夫不肯隨喪歸奮曰願取義激君親名高竹帛臣雖無

吳王若將軍頭以報父讎

似有慕昔人雖身塗草野死而不朽披肝瀝血昧死上陳無任懇迫忠憤之至謹錄奏聞伏候勅旨

進農書狀

貞元五年正月乙卯詔曰四序佳辰歷代增置漢崇上巳晉紀重陽或說禳除

雖因舊俗與衆共樂誠洽厯時朕以春方發生候及仲月勾萌畢達天地和同俾其昭蘓宜助暢茂自今宜以二月一日為中和節以代正月晦日備三令節數內外官司休假一日宰臣李泌遂請中和節日令百官進農書司農獻種槿之種上從之此狀謂奉某月日勅宜以二月一日為中和節所司進農書永以為常式者當即貞元五年二月作所進農書諸本皆作三卷公時

益未
第云

右伏奉某月日勅宜以二月一日為中和節所司進農
書永以為恒式者臣伏以平秩東作虞書立制倣載南
畝周雅垂文此皆奉天時以授人盡地力於農食一作豐
自陛下維新令節益勵農功既立典於可傳每陳書
而作則耕鑿之利敷帝力於嘉謨稼穡之難動天心於
睿覽勤勞率下超邁古先凡在率土不勝幸甚前件農
書謹函封進謹奏

代人進釐器狀

公集有元饒州二書在元和八年
饒州當進釐器此必為元作也

右件甕器等

一上有甕器若干事字

並藝精埏埴制合規模稟至

德之陶蒸自無苦窳合太和以融結克保堅貞且無瓦

釜之鳴

選黃鐘毀棄瓦釜雷鳴注瓦釜喻庸下之人也

是稱土錮之德

漢司馬遷傳堯

舜堂高三尺茅茨不翦飯上簋獻土錮音刑以盛羹也

器慙瑚璉

力展切

貢異器丹

奴器音

既尚質而為先亦當無而有用謹遣某官某乙隨

狀封進謹奏

柳州舉監察御史柳漢自代狀

公元和十年三月出為柳州六月二

十七日到任此狀在柳州作也赦文在元和六年詳下上中書門下舉李漢狀

右狀准從前赦文常參官上後舉一人自代者伏見前件官頗有才行長於政術久歷嶺南使職臣之所知敢舉自代無任懇迫之至

上戸部狀

元注云左降官員外置同正員俸料舊用戸部省員闕官錢充今請改授正官

占闕不用上件錢每年約計數萬貫此在柳州作

右伏以左降官是受責之人都不釐務戸部錢是准勅收貯不合別支又所授員外官亦非舊制宗元在永州日見百姓庄宅公驗有司戸李邕判給處足明皆是正

官今請悉依故事為準並廢員外所置凡在貶黜授以正員責其成功俾無虛授貯錢既免支用加數足應軍須寔冀貨不濫分官無曠職謹狀

柳州上本府狀

元注云救兄蕩以竹刺莫果右臂經十二日身死其莫誠禁在龍城

縣准律以他物歐傷二十日辜內死者各依殺人論本府謂桂管也

右奉牒准律文處分者已帖縣准牒待秋分後舉處分訖伏以慈惠化人孝悌成俗屬吏所見皆許申明至公之下敢竭愚慮竊以莫誠赴急而動事出一時解難為心

豈思他物救兄有急難之戚中臂非必死之瘡不幸致
殂揣非本意按文固當恭守撫事亦可哀矜斷手方迫
於深哀周身不遑於遠慮律宜無赦使司明至當之心
情或未安守吏切惟輕之願况俟期尚遠稟命不遙伏
乞俯賜興哀特從屈法幸全微命以慰遠黎則必闔境
荷慈育之恩豈惟一夫受生成之賜倘以律文難變使
牒已行則伏望此狀便令廢格輕賜塵瀆惶戰交深謹錄
狀上奉聽處分

為裴中丞伐黃賊轉牒

次前謝黃少卿賊表作孔大夫即嶺南節度使孔幾

陽中丞即容管經畧使陽旻李中丞即安南都護李象古也

當管奉詔與諸管齊進誅討邕管草賊黃少卿漢軍馬步等若干人各具兵馬數及軍將若干前牒奉處分竊以天啓昌期大功畢集神開興運微惡盡除黃少卿等歷稔逋誅舉宗肆暴恃狡免之穴踰伏偷安憑孽狐之丘跳踉見恠

跳音迢踉音良走也

以為威弧不射天網可逃侵逼

使臣竄犯王畧恣其毒虐速我誅鋤敵國盡在於舟中

史記吳起謂武侯曰君不還師已期於席上史記蔡澤謂應侯曰

君相秦計不下席謀不出廊廟坐制諸侯利施四海此謂當時席上之謀盛可以約還師之期也謂宜投

戈頓顏面縛乞身歸郡邑於王宮効黎獻於天吏而乃

繕兵補卒增壘閑途閑一作閑正當天討之辰書天討有罪五刑五用哉

更積鬼誅之罪莊子為不善乎幽間衆輕鬪蟻晉殷仲堪父嘗

患耳聰聞牀下勇劣怒蛙韓非子曰越王伐吳欲人之輕死也出見怒蛙乃為之式

從者曰奚敬於此王纖縞當强弩之初史强弩之末力不能以入魯縞

孤豚償肥牛之下衛弗事同拾芥力易摧枯杪忽蜂腰

虛見辱於齊谷

齊側皆切

突梯鼠首濫欲寄於旄頭勦絕有

時不索何獲其拱稽致命執銳忘生車甲既備於小戎

詩小戎美襄公也備其車甲以討西戎

鯨鯢豈逃於誅戮

左傳宣公十二年武非吾功也

古者明王伐不敬取其鯨鯢而封之以為大戮於是乎有京觀以懲淫慝竊觀上畧總帥中

權戰士義激於身心列校勢成於臂指蹶張之技盡出

於山林

漢申屠嘉傳申屠嘉以材官蹶張從高祖擊項籍如淳曰材官之多力能腳踏強弩張之故曰

蹶張拔距之材徧徵於川洞

漢甘延壽傳投石拔距絕於等倫顏師古曰拔距者有人

連坐相把據地距以為堅而能拔取之皆言其有手掣之力

賞懸香餌令布疾雷莫

不鼓舞戎行虔恭師律投軀不憊於羽檄

漢高祖曰吾以羽檄徵天

下兵未有至者注檄木長三尺用徵召急則挿以鳥羽示急也

跂足惟俟於牙璋

周官典瑞

掌牙璋以起軍旅以治兵守注云牙璋琢以為牙牙齒兵象故以牙璋發兵也

今月某日奏事

官米蘭迴捧受詔命神飛首勇足蹈心馳歡聲洽於萬

夫勝氣橫於千里國容不入履且及于寢門

漢胡建傳制曰國容

不入軍軍容不入國左傳宣公十四年楚子使申舟聘于齊無假道于宋及宋宋人止之華元曰過我而不假道鄙我也鄙我亡也殺其使者必伐我伐我亦亡也亡一也乃殺之楚子聞之投袂而起屣及于室皇劍及于寢門之外車及于蒲胥之

家事勿聞土已填于左闔

國語

吳語越王句踐將伐吳乃入命夫人王背屏而立夫人向屏王曰自今日以後內政無出外政無入內有辱是子也外有辱是我也吾見子于此止矣王遂出夫人送王不出屏乃闔左闔填之以土去筵側席而坐不掃其命大夫即以月日全軍出次分道並進所期戮力敢告同亦然

心孔大夫貞直冠時清明格物全體許國一心在公兵精食浮為日固久容府陽中丞以義烈為已任勲襲太

常安南李中丞以英武為家風業傳彝器並膺邦寄克

達皇威南則浮海濟師共集堂堂之陣

孫子勿擊堂堂之陣

東則

橫海誓衆用成善善之功

詩緇衣以明有國善善之功焉

以此鼓行坐

觀盡敵刑惟勿喜誅有可哀徵側之勇冠一方竟就伏

波之戮

馬援傳交趾女子徵側及女弟徵貳反於是璽書拜援伏波將軍南擊之軍至浪泊上與賊戰

遂大破援追徵側等斬其首傳洛陽

呂嘉之威行五嶺終摧下瀨之師

呂嘉

南粵相也武帝時粵王願欲內附獨呂嘉建德反朝廷於是命路博德為伏波將軍揚僕為樓船將軍及歸義

粵侯二人為下瀨將軍共討之嘉遂與其屬數百人亡入海尋復追降之南粵乃平事見南粵傳

嗟此

陋微自貽擒滅勉成良畫速致殊勳雖荒微之地固不

勞於有征而昇平之年將自此而何事書之竹帛寔謂

揚名事須移牒隣管以成犄角舉牒者

孤豚事見左傳昭公十三年牛

雖瘠債
于豚上

賀中書門下誅淄青逆賊李師道狀

元和十四年
次前柳州賀

破東平

表作

右今月三日得知進奏官某報前件賊以前月九日克
就梟戮者伏以天啓聖期神資良弼必有懲討以致昇
平蠢爾凶渠敢行悖亂締交於雷霆之下効逆於化育
之辰逞豺聲以欺天恣狼心而犯上嘉謀克叶威命旁
行破竹寧比其發機走丸未喻於乘勝

杜預云用兵如
破竹數節之後

迎刃而解孫子序如凡之走盤濁河清濟曾無溝洫之虞大峴琅邪不

聞涯岸之阻

峴胡典切河濟大峴琅邪皆淄青間山水名也

天兵四合賊衆屢

摧然後赦劫脅之辜許其歸復寬註誤之典期以撫循

註音

外怛皇威中感聖德雖在梟鏡豈不知歸

郊祀志

子祠黃帝用一梟破鏡孟康曰梟鳥名食母破鏡獸名食父黃帝欲絕其類使百吏祠皆用之方士虛誕云以歲始祓除凶災令神仙之帝食惡逆之物使為逆者竟無有遺育也梟堅堯切是以未極誅鋤

遽聞內潰鯨鯢已戮見東海之無波氛沴盡銷仰太陽

之普照功格於天地化合於陰陽一德方繼於商書

書成

有一德克享天心

降神自同於周雅

詩維岳降神生甫及申

遂使垂白遺

老再逢天寶之安搢紳諸生遠期貞觀之理其特承朝
獎謬列藩臣常以突刃觸鋒未為効節膏原潤草豈足
酬恩寤寐撫心不遑寧處今則削平之際慙無尺寸之
功開泰方初徒受丘山之寵無任憤激屏營之至忭舞
歡慶倍百恆情

賀中書門下平淄青後肆赦表

元和十四年次前賀克東平赦表作

右伏奉二月日德音以淄青削平慶賜大洽率土之內

忤躍無窮伏以周滅三監但明誅放之罪

事詳見書

漢平七

國更嚴斬殺之科

景帝紀七國舉兵皆反乃大赦天下遣太尉周亞夫將軍竇嬰將兵擊破

之斬首十餘萬級追斬吳王濞於丹徒膠西王等皆自殺夏六月詔曰迺者吳王濞等為逆起兵相脅誑誤吏民今濞等已滅吏民當坐濞等及逋逃亡軍者皆赦之楚元王子藝等與濞等為逆朕不忍加法除其籍毋令汙室未有翦覆凶渠撫存疑類威暫行而德洽誅纔及而

恩加操兵者悉獲歸休秉耒者更聞優復與之種食豐以貨財疾苦盡除鰥孤咸有葬戰死之骨增以賞延憐及傷之肌存其廩給滌山川之舊汚申節義之餘寃功

多受三事之榮

詩三事大夫莫肯夙夜注云三事謂三公也

節著有十連之

寵

禮記十國以爲連連有帥

較然逆順益以彰明和氣遠周罷七旬

之干羽

書舜舞干羽於兩階七旬有苗格

仁風溥暢收六月之車徒

詩六

月宣王北伐也

寰海永康夷夏均慶某忝司戎旅獲奉昇平當

伊尹無恥之辰

書伊尹曰予弗克俾厥后爲堯舜其心愧恥若撻于市

見咎繇惟

輕之德

書罪疑惟輕

忤躍之至倍萬恒情無任慶賀之至

賀中書門下分淄青諸州為三道節度狀

元和十四年次

前代裴中丞賀分淄青為三道節度表作

右某伏見某月日制分淄青諸州為三道節度都團練

觀察等使者害氣盡除和風遠溥

一作溥暢

裂壤既分其形

勝經野必正其提封河濟異宜海底殊服八命作牧無

聞威福之源十國為連已肅澄清之政胤無夜動鴟變

好音惠澤豈俟於崇朝仁化寧期於必代遂使琅邪即

墨田生無慮其異謀

史記齊湣王時田單為臨淄市掾會燕使樂毅伐破齊湣王出奔已

而保莒城燕師長驅平齊而田單走安平燕軍尋復攻安平城壞單遂東保即墨時燕既盡降齊城獨莒即墨

不下俄燕昭王卒惠王與樂毅有隙單乃縱反間於燕數出詭計而燕果陷其術中單乃縱火牛且進軍擊之

燕軍大敗所過城邑皆畔燕而歸單齊故七十餘城皆歸舊

聊攝姑尤晏子但聞其

善祝

晏子晏也事齊景公會公病期月不瘳諸侯之賓問疾者多在時梁丘據與高欵言於公曰吾事鬼

神豐於先君有加矣今君疾病為諸侯憂是祝史之罪也盍誅之以辭賓晏子曰聊攝以東姑尤以西其為人也多矣雖其善祝豈能勝億兆之詛君若誅於祝史修德而後可聊攝齊西界也平原聊城縣東北有攝城姑尤齊東界也姑水尤水皆在城陽郡東南入海恭以相公謨參禹績制出蕭規

光輔聖神永康黎獻其獲逢開泰忝守方隅并躍之誠

倍百恒品

為裴中丞上裴相賀破東平狀

次柳州賀破東平表作裴相公度也

右伏以逆賊李師道克就梟擒已具中書門下狀賀訖

某忝居末屬特受深恩踊躍不寧輒復披露竊以自古

中興之主必有命代之臣一德同功以叶休運故申甫

方召成宣王復古之勲

謂申伯尹吉甫方叔召伯也

吳鄧寇耿致光

武配天之業

謂吳漢鄧禹寇恂耿弇也

此皆上下齊志中外悉心雖

成功則多而陳力甚易豈若閣下挺拔英氣邁越常流

獨契聖謨以昌鴻業廟畧初定異議紛然詆訕盈庭萋

斐成市

萋音妻威貌斐妃尾切分別文也

閣下秉心不惑定命彌堅討

淮右之凶則下車而授首服恆陽之虜則馳使而革心

淮右謂討吳元濟度既平蔡乃遣華州刺史鄭權為橫海節度使統德棣滄景等州而王承宗不敢為亂也

况師道惡稔禍盈鬼怨神怒恣行悖慢敢肆欺誣天兵
四臨所至皆捷次又捨其將校許以歸還罪止一夫恩
加百姓豺狼感化梟鏡懷仁自致誅夷以成開泰萬方
有慶四海無虞遂令率土之人盡識太平之理盛德大
業振古莫儔然則布政明堂勒功東嶽光垂後祀輝映
前王神化允屬於聖君崇勳寔歸於宗袞慶賀之至倍

萬恆情

為裴中丞上裴相乞討黃賊狀

次前謝討黃少卿賊表作

其材質無堪授任非次當有事之日忠懇莫施遇成功
之辰慙憤空積陳力之志誓死不渝伏惟仁恩終賜展
効今者中華寧謐異類服從唯此南方尚餘寇孽伏以
黃少卿等憑培塿以自固培薄口切塿朗口切合莖脆
以為強莖寸卧切脆此芮切易斷也劫脅使臣侵暴列郡雖狐鼠之
陋無足示威而蜂蠆之微猶能害物必資翦伐方致和

平庶盡駕蹇之勞以答恩榮之重撫心踊躍夙夜不寧
私布丹誠敢期明鑒無任感激屏營之至

為桂州崔中丞上中書門下乞朝覲狀

次前卷請朝覲表作

中丞崔
泳也

右某幸遇文明叨承委寄理戎典郡十有四年瞻戀闕

庭神魂飛越項在邕州屢陳誠懇謬施進律之寵

禮記有功

德於民者
加進律

未遂執圭之願

左傳朝聘有圭周禮大宗伯之職曰公執鎮圭侯執信

伯執
躬圭

相公膺賢輔聖大叙彝倫中外之臣出入更踐某

自領桂管又逾再周企鸞鷺於紫霄獨無羽翼仰星辰

於黃道徒竭丹誠

渾天圖天有黃赤二道禮記注疏日月四時遊于黃道其方不同

況

正月會朝遠夷皆至

周官春見曰朝

六歲來見要服有期

書六年五

服一朝國語要服者貢

豈使班超之望長懸

東漢班超傳超以久

注云要服六歲一見

在絕域年老思歸十二年上疏曰臣聞太公封齊五世

葬周狐死首丘

丘代馬依風夫周齊同在中土千里之

間況於遠處絕域小臣能無首丘依風之思哉云云

子牟之戀空積

莊子魏公子牟身居江湖

之上心馳乎魏闕之間

伏乞特申微願錄授冗員徵故事而不遺

揆夙志而斯畢入天子之國願附禮於小侯拜丞相之

車敢希榮於下客

一更有無任懇禱屏營之至
輕瀆威重戰汗伏深謹狀

為南承嗣上中書門下乞兩河効用狀

次前請從
軍狀作

右伏以越敗夫差多會稽納官之子

事詳南府君睢陽
廟碑及送南涪州

量移澧
州序

趙摧栗腹即長平死事之孤

史記趙奢傳趙成
王時秦與趙兵相

距長平時奢已死趙以其子括代之已而軍敗數十萬
之衆遂降秦秦悉阬之燕用栗腹之謀曰趙壯者盡於
長平其孤未壯舉兵擊趙趙使廉頗將大破燕
軍于鄢穀栗腹遂圍燕燕割五城請和乃聽之

何者義

烈之餘色氣猛厲上將効於國用下欲濟其家聲所以
憤激淒愴常思致命者也某先父死難睢陽事存簡冊

屢降優詔榮及子孫爰自經綬超陞品秩肉食廩給未
嘗暫停頃守涪州屬西蜀邁逆將致死命以盡夙心寢
戈嘗膽志願未究會刀筆之吏寘以深文首級之差今
復誰辯薏苡之謗不能自明

馬援傳援初在交趾常服薏苡欲以為種軍還載之

車中時人以為南土珍怪惟貴皆望之援時方有寵故莫以聞及卒有上書譖之者以為前所載還皆明珠文犀帝怒援妻孥懼不敢以喪還舊塋葬

猶賴舊勳謫居樂土食人力之粟

守無事之官拳拳血誠無所陳露伏見明制興師討伐
恒冀蔑爾小醜尚欲逋誅其才非古人志慕前烈願得

身當一隊効死戎行竭平生之忠懇申幽明之冤痛撫
斂心往發言涕零嘗聞漢法有奮擊匈奴者諸侯不得
擁遏又況丞相總軍國之重定廊廟之謀固當宏獎無
所棄捐伏乞哀憫收撫以成其心無任懇迫惶恐之至

柳州上中書門下舉柳漢自代狀

次前柳州舉監察御史柳漢自

代表作

右伏准元和六年十月十七日勅常參官授上後三日
內舉一人以自代便具所舉人兼狀上中書門下者今

奏請前件官自代謹連狀

為長安等縣耆壽詣相府乞奏復尊號狀

已具三十七卷

為京北府請復尊號表注

右某等

一上更有長安縣耆壽某乙若干人字

伏以生長明時游泳皇澤

鼓腹且知於帝力食毛敢忘於君恩竊見近者祥瑞所呈周於百郡豐稔之報均於四方有以知上玄降靈誕告嘉應彰我君文明之化仁育之恩大道既行鴻名未舉是以殷勤昭著如斯而不已者也某皆陶煦純仁成

此耆老

煦火羽切
燕也

生既無補死而何求唯願上聞帝閭復

建尊號用彰聖德以報皇慈披露血誠伏守天闕糜軀

碎骨猶生之年謹以今日詣光順門輒進奏訖

奏一作表

惟相公贊翊明主共致太平而使名號尚鬱天人失望

草野愚鄙竊有感焉伏望敷奏之際開陳其要俾下情

允達大願克從退就泉壤樂而無恨輕躋國相伏待典

刑謹狀

為京畿父老上府尹乞奏復尊號狀

狀謂今詣
光順門進表

當在前狀
之前作

右某等幸以羸老獲覩昇平蹈舞薰風謳歌壽域譬之
草木何以報天寤寐焦勞不知所措伏見聖君臨御玄
化升聞瑞應匝於萬方

匝作答切
與市同

豐報窮於四海神祇

注意天地傾心覺悟生人必有為者益以挹損徽號近
二十年盛德益光大名未復致遠邇積慮幽明憤懷故
自古以來嘉瑞之至未有如今歲之盛也斯乃上玄深
旨下人懇誠勤勤相符正在於此某等眷戀明時朝夕

是切唯願早復大號以契天心庶得聖政益光鴻化彌
遠少遂踴躍之甚今請詣光順門進表昧死上陳伏以
侍郎道合君臣惠敷黎庶倘遂收採愚慮致貢大庭俾
草萊微誠得達萬乘非所敢望惶懼伏深謹狀

柳河東集卷三十九